




Gobierno awor tin menos placa pa yuda esnan vulnerable cu no ta probecha di reduccion loonbelasting



Pagina 2

- **Hulanda no ta bay pospone fecha pa entrega di Ley di Reino** *Pagina 4*

- **Trump ta existi control di Panama Canal** *Pagina 10*

- **Merca: Avion medico cargando pashent chikito y 5 otro ta cay na Philadelphia** *Pagina 23*

Gobierno ta confirma cu tin suficiente espacio financiero pa e rebaho di tarifa di impuesto



Pagina 6

Hulanda: Peticionnan di asilo di Siria ta keda haltu a pesar di e caida di Assad



Pagina 9

E guerra comercial di Trump entre aliadonan ta causa represalia for di Canada y Mexico



Pagina 23

Januari a cera cu mas placa den cartera pa un grupo di ciudadano

Gobierno awor tin menos placa pa yuda esnan vulnerable cu no ta probecha di reduccion loonbelasting

E reduccion di belasting riba salario, loonbelasting, a drenta na vigor e luna aki y pa esnan cu ta traha payroll pa companianan, e ta ilustra cu toch tin hende ta bay mira cu ta keda mas placa den nan cartera.

Manera ta conoci, Gobierno hunto cu Departamento di Impuesto a anuncia cu ta elimina loonbelasting riba entradanan bou 64.930 florin pa aña. Te cu 2024, e cobranza di loonbelasting, cu ta un adelanto di e impuesto riba entrada (inkomstenbelasting) tabata cuminsa na un salario di 30.000 (30 mil) florin. E porcentahe tabata 10 porciento pa e salario anual aki te cu e suma di 64.930. E cambio awor ta nifica cu esnan cu ta gana te cu 64.930 florin a base anual, ta paga cero (0) porciento na loonbelasting y consecuentemente, si no tin mas entrada, no mester paga mas na impuesto riba entrada.

Segun Cesar Angela, kende despues di su trabou como Ontvanger di Aruba ta den sector priva pa conseha y guia riba tema di belasting, e decision pa cambia e “schijf” di pago di loonbelasting ta resultado di e cambio di pago di belasting directo pa uno indirecto,” Angela a aplica. “For di momento cu a introduci BBO tabata e intencion pa kita di belasting directo pa uno indirecto. Realmente, a tarda cu e paso aki.”

Pa prome salario di 2025, de-

pendiente di e nivel di salario, e ta nifica cu algun hende por mira te 291 florin mas riba nan entrada. “Logico, e pago di primanan pa AZV, AOV y AWW ta keda mesun cos y ta un porcentahe di e salario, te cu un maximo di 85 mil florin pa aña,” Angela a splica.

Anthony Croes di Plus Accounting ta mira e cambio den e nivel di salario pa paga loonbelasting como algo positivo. “E cambio di e limite” ta hopi bon,” Croes, un Register Accountant a comenta.

50 miyon menos

Fiscalista mr. Robert Tromp, sinembargo ta mira e cambio como un reto pa e siguiente Gobierno. Pasobra apesar cu a haya mas entrada cu BBO, e paso ta nifica cu Gobierno lo haya 50 miyon florin menos den caha. “Nunca mi a experiencia un aumento asina grandi di e limite. Semper tabata cambia e prome ‘schijf’, pero cu pasonan chikito. Esaki tabata un stap masha grandi mes. Pasobra awor no ta cobra belasting mes. E no ta usual.”

Locual Tromp ta mira diferente cu otronan ta cu di un banda a presenta e decision como un acercamento na esnan mas vulnerable den comunidad, mientras cu e realidad ta otro. Pasobra esnan cu tabata gana un salario igual of menos cu e asina yama ‘bestaansminimum,’ no tabata paga belasting. Esnan cu entrada mas abou no ta mira



ningun beneficio. Ta unicamente personanan cu salario mas halto, for di 34 mil florin te 70 mil, cu ta bay mira reduccion den belasting. “E ta un medida pa yuda clase media, y no pa esnan marginal.” E caida di 50 miyon florin di entrada lo dificulta e siguiente Gobierno pa realmente yuda esnan cu menos entrada, por ehempel cu aumento di e ‘reparatietoeslag.’ “No ta duna Gobierno e espacio pa hisa e sosten na esnan cu sueldo minimo, ni pensionadonan cu ta depende solamente riba e pensioen di SVB.”

Dos trabou

Pa esnan cu ta traha dos trabou, cu ta un grupo relativamente grandi na Aruba, nan entrada combina, basta cu e no yega e suma di 64.930 florin, tampoco lo paga loonbelasting. “Si hunto ta yega



41 mil florin bo no ta paga belasting via ningun dunado di trabou, y si yena bo formulario di inkomstenbelasting, tampoco ta bay paga, si ta keda bou 70 mil. Pero esnan cu tin dos trabou, y si ta gana mas di 70 mil, tampoco lo paga loonbelasting. E diferencia ta cu na momento cu e suma acumula ta mas cu 70 mil, e ora si lo mester paga inkomstenbelasting.” Segun mr. Tromp, den e sentido aki, e cambio den nivel di pago di loonbelasting ta cumbini personanan cu ta traha dos trabou, esta cu nan lo keda cu mas placa den man na fin di luna. “Pero atrobe, a base di locual a splica, esaki no tabata e argumento di e cambio den e limite di pago di belasting. A present’e como un acercamento pa esnan cu menos recurso y esey no ta e caso.”

hisa e entrada di e grupo aki sin mas, no tur e placa lo keda den economia.” Tempo lo muestra kico e efecto lo bay ta, e fiscalista a splica.

No mas restitucion

Un efecto di e cambio di limite pa loonbelasting tin efecto pa e inkomstenbelasting den sentido cu e ta keda un obligacion pa entrega esaki anualmente. Mirando cu loonbelasting ta un adelanto di inkomstenbelasting, si no mester di paga mas, e suma cu tin cu yena di obligacion di pago ta cero (0). Pero alabes esey ta nifica cu entrante 2025, pa esnan cu ta gana bou 70 mil florin pa aña, ya lo no tin restitucion for di Departamento di Impuesto. “No lo tin nada pa ricibi bek,” Cesar Angela a muestra.

Economia

Mas placa den man di ciudadano por tin un efecto positivo pa economia, e fiscalista a sigui bisa. “Sinembargo esnan cu mas entrada, no semper lo hinca e cen adicional den economia. Contrario na e caso di esnan cu ta gana sueldo minimo. Nan ta biba mas preta y lo si lo gasta placa. “Aunke cu den e grupo aki tin hopi hende cu ta manda placa, remesas, afo. Pues si



Proyecto “Turning the Tide” ta enfoca riba restauracion di mangel y rifnan di coral pa preserva naturalesa y medio ambiente

Recientemente Aruba Conservation Foundation (ACF) hunto cu partnernan local ScubbleBubbles Foundation, Universidad di Aruba y partner internacional Wageningen University & Research a lansa e documentario tocante e proyecto “Turning the Tide”. E proyecto aki a cuminsa mas cu un aña y mey pasa y Rene Henkens di Wageningen University & Research ta conta Bon Dia Aruba durante un entrevista con e proyecto a cuminsa, cual ta e meta y kico ta e resultadonan te awor.

Henkens a splica cu e preparacion a cuminsa caba na 2022. Mirando cu poco ta ser haci riba investigacion y restauracion di naturalesa, na momento cu e oportunidad di Resenbit a bin cu financiamiento substancial di UE, e organisacionnan cera cabes y a lansa e proyecto “Turning the Tide.” Henter e proyecto ta concentra rond di dos restauracion di mangelnany di rifnan di coral.

Pa loke ta e mangelnan, el a splica, un di e problemanan grandi di mangelnan ta e sedimentacion. El a sigui splica cu durante yobida pisa hopi sedimento ta core baha e seronan y ta caba den e sistema di mangel y e mangel ta bira tera. Si e bira tera e mangel ta bay perdi.

Pa e restauracion di e mangelnan nan a traha trampanan di sedimento na final di Rooi Taki, Rooi Bringamosa y na Rooi Lamunchi. Nan a traha trampanan di sedimento di 500 meter cubico y di e forma ey si sedimento baha for di e sero e ta keda den trampa di sedimento y no ta core bay den e mangelnan.

Banda di e trampanan di sedimento e organisacionnan a traha canalnan di mangel den Spaans Lagoen. Henkens a indica cu nan kier tin un movicion di marea atrobe pasobra na e momentonan aki movicion di marea ta hopi limita pa motibo cu e canalnan ey a ser sedimenta y e meta ta pa tin awa fresco atrobe pa palonan di mangel cuminsa crece atrobe di nan mes unabes cu e canalnan aki a ser estableci. Henkens a splica cu despues cu esey nan lo restaura e fun-



cion di criadero di e mangelnan caminda lo tin mas pisca capaz di reproduci y asina por pobla poblacionnan nobo di pisca den lama y piscadonan por gara nan.

Pa loke ta e rifnan di coral Henkens a remarca cu hopi rif di coral ta morto. E organisacionnan a implementa dos tipo di rif di coral artificial. Un di nan ta e “Moses Reefs” cu ta un tipo di bloki di lego di beton cu por construi tur tipo di structura cune. Henkens a indica cu e proyecto nan a instala 13 di rif di e tipo aki, cu ta en total 400 bloki.

E otro tipo di rif di coral instala ta e “MARRS Reef”. Esakinan, el a sigui splica, ta tipo di structuranan manera haraña cu a ser construi na Aruba mes y cu ayudo di un cantidad di boluntario nan ta cubri cu un tipo lijn, no toxico y cubri cu santo blanco di Aruba.

E rifnan di coral artificial a ser transporta pa tres luga specifico na e costa zuid di Aruba y despues mester a start nan pasobra e meta ta pa coral crece riba e rifnan di coral artificial aki y pa nan bira rif di coral.

Pa loke ta e resultado te cu aworaki, Henkens a splica cu parti di e proyecto ta cu nan ta monitor e mangel y rifnan di coral, banda di conservacion y restauracion, tin e parti di investigacion y monitoreo. El a indica cu tin hopi estudiante di Universidad di Aru-

ba studiantenan di Wageningen University cu ta monitor e progreso. Aworaki tin un aña cu e monitoreo ta andando y segun Henkens ta señala ta trempan pa bisa cu exactitud kico e resultado di e proyecto ta. El a agrega cu siman pasa nan a bay un di e rifnan y e rif a muestra cu e coralnan a redobla den tamaño.

El a resalta cu aunke aña pasa tabata un aña di bleaching y tabatin horcan Beryl, toch e coralnan aki na un profundidad di apenas dos meter a sobrevivir e bleaching y horcan Beryl. “Por lo menos e ta duna speranza pero naturalmente den

e fase aki nos no por bisa si esey ta un exito, pero nos ta basta sorprendi cu nan ta muestra asina bon,” Henkens a enfatisa.

El a agrega cu pa mira un resultado substancial di e proyecto e lo dura alrededor di tres pa cinco aña, si nan ta sobrevivi.

Giancarlo Nunes, Research Conservation Manager na ACF, a agrega cu e ta bay depende tambe di e comunidad di Aruba y kico hende ta haciendo rond di e coralnan. “Esaki tambe ta depende si nos ta tene nos awa limpi y pa no tira anker riba nan y asina por sigui. Ta hopi cos cu mester sucede ainda pa e coralnan aki por sigui ta saludabel,” el a subraya.

Algun tips pa con comunidad por contribui na esaki, Henkens a splica, ta entre cu ta importante pa comunidad cuida su tereno miho pa no tin erosion pasobra erosion di mangelnan, yerba di lama y coralnan ta algo hopi destructivo.

El a sigui splica cu e calidad di awa mester ta mas bon posibel pasobra ta importante pa e ecosistemanan aki ta saludabel pa nan tambe por wanta cambio di clima.

El a señala cu e plantanan di tratamiento di awa di riool, RWZI, tambe ta hunga un rol grandi. El a indica cu Bubali Plas ta un desaster, y no ta

algo cu ta recien, pero ta urgente pa bin cu un solucion pronto pa e problema ey.

El a agrega tambe c construcionnan di hotel nobo tambe tin un efecto enorme. El a splica cu ya caba no tin capacidad den e planta di riool, y si pone mas presion cu mas hotel e resultado ta bay ta devastador.

Ademas, el a subraya ta importante pa stop di corta mangel y no destrui naturalesa. “Pensa riba naturalesa inclusivo, pensa sostenibel. Haci evaluacionnan di impacto apropia prome cu bo haci cualkier cos aki na Aruba. Tin evaluacion di impacto debido,” Henkens a enfatisa.

El a splica cu el a mira un evaluacion di impacto di un hotel y a wak solamente cu a evalua e impacto riba naturalesa na e sitio ey, pero no tabata bisa nada tocante kico e bishitantenan na un hotel ta bay haci. “Nan ta bay impacta e medio ambiente. Nan ta bay landa kisas nan ta bay jet ski y no tin ningun politica riba esey,” el a agrega.

Cuido di medio ambiente y preservacion di naturalesa ta bataya continuo pa hopi tempo y Henkens ta remarca cu esaki no mester ta asina pasobra di e forma ey hendenan ta destruyendo e isla y despues no ta bay keda nada.



Rapport onderzoek Jaarrekening 2019 Land Aruba

E grito pa responsabilisacion y transparencia ta mas fuerte cu nunca

Dia 31 di januari 2025 Algemene Rekenkamer a publica e Rapport Onderzoek Jaarrekening 2019 Land Aruba den cuadro di su tarea constitucional.

Algemene Rekenkamer a investiga si e ehecucion di e presupuesto na aña 2019 a tuma lugar segun ley y e reglanan financiero-administrativo. Tambe a investiga e desaroyonan di e maneho financiero y realizacion di e meta pa yega na sostenibilidad di finanzas publico. Algemene Rekenkamer a ricibi e version definitivo di e cuenta anual 2019 na september 2024. Esaki como cu despues di un investigacion di Algemene Rekenkamer, a haci algun coreccion den e version cu a entrega anteriormente na november 2023.

Responsabilisacion (accountability) brinda door di e Pais den forma di un cuenta anual ta un condicion pa transparencia, di bon gobernacion y ta esencial pa yega na finanzas publico sostenibel. E hecho cu ainda no a duna responsabilisacion completo di e gabinete anterior ta algo

lamentabel. Con por garantiza derecho presupuestario di Parlamento si ta aproba un presupuesto sin cu a duna responsabilisacion di e uzo di e fondonan of si a logra e meta nan di e aña anterior?

E consecuencia di no a finalisa e plannan di mehoracion di maneho financiero den forma determina ta claramente visibel. E investigacion ta muestra cu te na e momentonan aki no a enfoca riba mehoracion structural di e maneho financiero ni di duna cuenta door di entrega un cuenta anual adecuado na tempo. Si lesa e rapportnan di Algemene Rekenkamer di siglo pasa, ta evidente cu e deficiencianan cu a señala e tempo ey ainda ta existi. Esaki no por sigui di e forma aki mas, ni tampoco por acept'e mas.

Algemene Rekenkamer ta conclui cu riba diferente nivel presupuestario, a surpasa e fondo aproba cu por clasifica como ilegítimo. Ta birando un custumber cu ta surpasa e presupuestonan sin autorisacion previo di Parlamento. Otorgamento di fondonan cu aprobacion di Parlamento

sin cu ta existi un base legal pa esaki, of sin cu ta percura pa regla esaki tambe ta un practica cu ta tumando lugha pa hopi aña caba. Algemene Rekenkamer ta indica den su rapport cu e meta principal pa introduci normanan presupuestario ta pa logra finanzas publico sostenibel. Pero e investigacion ta muestra cu e normanan presupuestario a bira un meta riba su mes. E forma inconsistente di administra sin duna splicacion ta pone cu e cuenta anual di 2019 ta carece di transparencia. Tampoco ta hustifica debidamente e resultado financiero locual ta crea un bista crono.

Cu e rapport aki Algemene Rekenkamer ta desea di contribui pa haci transparencia y responsabilisacion na tempo un condicion indispensable. Mester logra cu esaki ta bira, sin excepcion algun, algo automatico denter di un ciclo presupuestario, cu tin como resultado e realizacion di finanzas publico sostenibel.

E rapport di Algemene Rekenkamer, conteniendo e resultado, conclusionnan, re-



Rapport onderzoek
Jaarrekening Land Aruba 2019



comendacionnan, reaccion di minister di Finanzas, como tambe e epilogo di Algemene

Rekenkamer ta disponibel via www.rekenkamer.aw.

Segun Secretario di Estado Szabo,

Hulanda no ta bay pospone fecha pa entrega di Ley di Reino

Mientras cu diahuebs ultimo tabatin un reunion den Parlamento di Aruba, unda prome minister demisionario Evelyn Wever-Croes a papia tocante e negociacionnan andando cu Hulanda pa un Ley di Reino pa Supervision Financiero, Secretario di Estado pa Relacionnan di Reino, Zsolt Szabo a indica cu gobierno Hulandes no tin intencion pa aplasa e fecha pa entrega di e Rijkswet, cu actualmente ta dia 1 di mei proximo.

Esaki segun Secretario di Estado Szabo a indica na noticiero local NoticiaCla durante weekend.

Diahuebs, Wever-Croes a indica cu e siman aki e lo ta na Hulanda pa reuni cu e Secretario di estado tocante e fecha di 1 di mei y e negociacion tocante e Rijkswet El a indica cu juni 2024 a yega na un acuerdo nobo cu Hulanda caminda a elimina RAft y lo sigui negocia riba otro tipo di Rijkswet. Den e acuerdo



aki, a palabra cu pa dia 1 di mei proximo mester entrega e propuesta di Rijkswet nobo na Tweede Kamer na Hulanda y na Parlamento di Aruba.

Wever-Croes a remarca cu e negociacionnan ta bayendo bon y nan ta hopi satisfecho con tur cos ta bayendo. El a indica cu nan ta negociando



keto bay riba nivel ambtelijk, y riba nivel bestuurlijk no a cuminsa delibera ainda. E negociacion ainda ta den cuadro di emocion cu parlamento anterior a duna y tardansa den esaki ta mas tanto debi na IMF.

Diabierna, durante un encuentro cu prensa despues di Consejo di Minister di Reino, a puntra Szabo riba e fecha. El a bisa cu e no tin intencion pa prolonga e fecha aki. “Mi ta spera tambe cu pronto lo tin un gobierno nobo [na Aruba]. Y mientras

cu e no t'ey, mi lo sigui negocia cu e gobierno actual,” e Secretario di Estado a bisa segun NoticiaCla. El a bisa cu nan ta keda traha y enfoca pa logra cumpli cu e acuerdo pa dia 1 di mei.

Manera menciona, prome minister Wever-Croes ainda ta mira espacio pa discusion pa e fecha di 1 di mei, y a indica na Noticia Cla cu e lo haci un intento pa aplasa e fecha. Sinembargo, Secretario di Estado Szabo no a muestra mucho apertura pa e idea.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.


A pesar di cantidad chikito di participante, Parada di Fantasia tabata yen di ambiente

Ayera muchanan a jump, baila y gosa durante Parada di Fantasia na San Nicolas. Un total di siete grupo a participa den e parada y a pesar di e cantidad chikito di participante, e muchanan a disfruta di e prome parada di carnaval pa mucha di Carnaval 71.

Parada di Fantasia, anteriormente conoci como Parada di Blaas, a tuma luga ayera den cayanan di San Nicolas y a conta cu un total di siete grupo. Segun schedule parada tabata poni pa sali 2or di atardi, pero a sali pa 2:09, un poco laat, pero no ta un gran diferencia y no tabata motibo pa rush e muchanan pa yega final, cu segun programa e cabes di e parada mester a yega pa 5:15 di atardi back na Joe Laveist Sportpark. Un aspecto cu a resalta e aña aki ta cu parada a habri sin brassband, algo cu normalmente ta e tradicion. E aña aki no tabatin brassband y esaki sigur a haci falta.

Centro di Bario Noord tabata e prome grupo, aunke no a conta cu ningun participante, Reina Infantil di Aruba su Carnaval, Camila-Victoria Feliciano, compana pa Reina Infantil di Noord 2025 Amelie Koolman y Reina Infantil di Carnaval 70, Xena Dijkhoff.

TOB Kids Carnival Group tabata grupo number; Empire Kids Carnival Group tabata grupo number tres; Unity Carnival Group tabata grupo number cuater; Little Groovers Carnival Group tabata grupo number cinco; Don Flip Carnival Group tabata number seis; y Champagne Kids Carnival Group tabata ultimo grupo.



AHATA ta aporta Afl. 5.000 pa sostene e programa nacional sterilisacion di Stimami Sterilisami pa 2025

Directiva di Fundacion Stimami Sterilisami ta extende nos gratitud profundo na e Aruba Hotel and Tourism Association (AHATA), dirigi pa CEO & Presidente Tisa Lasorte, hunto cu e lidernan y miembronan stima di turismo di AHATA, pa nan donacion generoso di Afl. 5,000.

E donacion aki ta fortalece nos esfuersonan continuo pa atende e reto critico di sobrepoblacion di animalnan riba caya na Aruba, atraves di nos programa nacional di sterilisacion, cu ta wordo reconoci internacionalmente como e metodo mas efectivo y humanitario pa reduci e poblacion di animalnan sin cas.

Cacho y pushi riba caya ta presenta un riesgo considerable pa salud y seguridad publico, impactando tanto nos comunidad local como e experiencianan di nos bishitantenan. Cacho y pushi no sterilisa ta reproduci na un ritmo exponencial, cu un cacho muhe y su yiunan por resulta capaz pa produci 67.000 cacho den solamente seis aña, mientras cu un pushi por produci 11.606.077 pushi



den e mesun periodo. Door di atende e situacion di un forma directo, nos no solamente ta reduci significativamente cantidad di animalnan cu ta sufri riba caya pero tambe ta engrandece e comunidad vibrante y paisahe turistico di nos isla.


Impacto critico di e trabou di Stimami Sterilisami

Desde 2016, Stimami Sterilisami orguyosamente a financia y subsidia mas cu 40.0 sterilisacion, reduciendo drasticamente e cantidad potencial di bestianan riba caya, aliviando nan futuro sufriemento. Cada sterilisacion ta preveni no solamente miles

di mascotanan indesea cu ta contribui na e crisis di sobrepoblacion pero tambe ta duna beneficiarionan di salud na cada animal. Por ehempel, mascotanan sterilisa enfrenta riesgonan mas abou di cierto cancer y infeccionnan, loke ta conduci na un bida mas saludabel y mas largo.

Sosten Integral di Comunidad

Danki na e sosten di AHATA, nos por sigui cu nos trabou vital. Cada donacion ta permiti nos amplia nos alcance door di ofrece servicio di sterilisacion subsidia, cu awor ta cubri 100% di e gastonan di sterilisacion pa organisacionnan di rescate y



50% pa doñonan di bestia individual, microchipping gratis, y programanan educativo riba doño di bestia responsabel. E esfuersonan aki ta esencial pa mantene seguridad publico, preveni plamamento di malesa, y garantiza un ambiente sigur y cuidadoso pa nos bestianan.

E rol di AHATA den fomenta un futuro sostenibel:

“Nos ta profundamente agradecido pa e sosten di AHATA, cu no solamente ta yuda proteha incontabel cacho y pushi pero tambe ta salvaguardia e reputacion di

Aruba como un destinacion di vakantie premier,” asina Ewald Biemans, Presidente di Fundashon Stimami Sterilisami a bisa. “Hunto, nos ta haciendo un impacto significativo, sigurando cu Aruba ta keda un luga sigur y saludabel pa tur hende.

Pa mas informacion tocante Fundashon Stimami Sterilisami su programa nacional di sterilisacion, con pa bin na remarke pa e fundacion su subsidio y con bo por yuda, por bishita nos website na www.stimamisterilisami.com.

Cu e bon noticia di crecimiento economico pa 2025,

Gobierno ta confirma cu tin suficiente espacio financiero pa e rebaho di tarifa di impuesto

Durante un presentacion diaranson mainta, señor Jonathan Upegui di Directie Economische Zaken, Handel en Industrie (DEZHI) a brinda informacionnan y bon noticianan di e crecimiento economico positive pa nos pais pa 2025.

Prome Minister demisionario, Evelyn Wever-Croes a remarca cu e bon noticianan aki por trece tranquilidad tambe pa esnan cu ta preocupa ainda cu si tin placa pa entre otro e rebaho di tarificanan di inkomstenbelasting y loonbelasting cu Gobierno a implementa e luna aki. “Cu e bon noticia aki, nos ta confirma cu tin suficiente espacio financiero pa esakinan”, Prome Minister a enfatisa.

Referiendo na e cifranan di surplus, Prome Minister a indica cu Aruba tawata tin un surplus di 1.8% pa e aña aki.

E norma tawata 1% y esaki a crea suficiente espacio pa baha tarificanan di inkomstenbelasting y loonbelasting. Cu e rebahonan aki, surplus awo ta na 1.5%, ainda e ta 0.5 % mas halto di loke ley ta prescribi.

“P’esey mi ta lamenta comen-tarionan di lider di oposicion, señor Mike Eman, cu a bisa cu e rebaho di e impuestonan aki no ta bon y a expresa cu e lo elimina e rebahonan aki nificando cu e lo pone tur hende paga mas impuesto, pasobra esakinan lo ta kita di e placa cu e tabatin mester pa hisa pensioen cu Afl.700, pa luna pa nos pensionadonan despues di 100 dia cu e drenta gobierno.

“Esaki sigur no ta na su luga, pasobra e rebaho di impuesto aki a costa rond di 20 miyon florin, cu a causa cu e surplus a baha tambe di 1.8% pa 1.5% kedando ainda cu 0.5 % mas

halto di loke ley ta prescribi. E aumento cu señor Eman a priminti, e aumento di Afl. 700,- pa luna den 100 dia, ta costa 180 miyon florin. Por lo tanto, e argumento di señor Eman, cu ta pasobra a usa 20 miyon florin pa baha tarificanan di impuesto pa 28 mil ciudadano di nos pais, a strob’e den su plan pa bay gasta 180 miyon florin, no tin logica.

“Mi recomendacion na señor Eman ta pa drenta den gobi-erno, traha pa crea su espacio financiero pa e cumpli cu su promesa haci durante campaña pa hisa pensioen di biehes cu Afl.700,- pa luna.

“Mi ta recomenda señor Eman tambe, pa no tuma otro gobernante na malo pa tuma desicionnan cu ta den beneficio di 28 mil ciudadano di nos pais cu no ta pagando e impuestonan aki mas den cual tin 17 mil pensionado.



E decision di rebaha impues-to tawata un bon decision di cua mi ta hopi orguyoso cu Gabinete Wever-Croes a logra haci’e. Nos ta keto bay den surplus cu ainda ta mas halto di loke ley ta prescribi por lo tanto no tin nada cu por stroba e decision aki mas, specialmente cu e cifra di crecimiento economico cu pa e aña aki ta bay ta asi-

na positivo,” Wever-Croes a indica den un comunicado di prensa.



Un aumento di demanda pa dianosis di ADHD ta pone presion riba sistema di cuidu medico Hulandes

(NLTimes)—E demanda pa diagnosis di ADHD ta aumentando na Hulanda, cu un crecimiento notable entre hobennan y mas hende muhe buscando test. E trend creciente aki a pone hopi presion riba e sistema di cuidu medico, causando algun proveedor di cuidu pa ofrece screening online pa yuda accelera e proceso.

E aumento den peticion ta ser stimula supuestamente pa contenido riba red social cu ta discuti sintomanan asocia cu ADHD, manera impulsividad, dificultad pa mancha tempo y incapacidad pa relaha. Segun e compania di seguro medico CZ, hopi hende cu ta buscando test ta bin for di ciudadnan di estudiante, unda videonan riba red social ta sugeri cu comportamiento asina por indica ADHD. Dokternan tambe a reporta di mira un aumento den e cantidad di pashent cu ta kere nan tin e desorden despues di mira discusionnan online.

E aumento den demando pa diagnosis di ADHD tambe a resulta den un aumento den e cantidad di prescripcion pa medicamentonan pa ADHD, specialmente entre hende muhe. Segun e Fundacion pa Estadistico Farmaceutico, e cantidad di prescripcion pa medicamentonan pa ADHD, manera methylphenidate, dexamfetamine, y lisdexamfetamine, a aumenta significativamente durante e ultimo cinco aña. Hende muhe en particular, a mira un aumento porcentahe mas grandi den prescripcion compara cu hende homber.

“E aumento den peticion ta stimula mayormente pa trendnan riba red social, unda hende ta siña di sintoma y ta



asocia esaki cu ADHD,” segun un vocero di CZ a bisa. “Pero e crecimiento aki ta pone mas presion riba servicionan di cuidu medico, haciendo e mas dificil pa distinguí entre esnan cu en berdad mester tratamiento y esnan cu ta buscando confirmacion di un auto-diagnosis.”

E demanda pa test di ADHD a resulta den tempo di espera largo pa pashentnan. Segun ADHDcentraal, un organizacion experto Hulandes, tempo di espera pa testnan di ADHD, despues di ser referi pa un dokter, ta varia entre 8 y 53 siman, dependiendo e seguro. Pa pashentnan segura pa CZ, e tempo di espera ta 48 siman.

Como respuesta, CZ a colabora cu un proveedor di cuidu, iPractice, cual ta ofrece screening mas lihe pa individuonan segura. Resultadonan preliminar for di e screening online ta indica cu hopi hende por beneficia for di sosten den termino corto en bes di un diagnosis formal. E sistema aki tin e meta pa re-

duci e presion riba listanan di espera mientras tanto atendiendo cu e necesidatnan di esnan buscando ayudo. “E meta ta pa yuda tur hende sin pone mas presion riba e lista di espera,” e vocero di CZ a bisa. “Ta parce tambe cu no ta mirando exito cu esaki.”

E demanda creciente pa diagnosis di ADHD ta refleha un trend social pa mas conscientizacion pa asuntonan di salud mental, segun psicologo infantil y hubenil, Malou Franke. Segun e, expectativanan halto di bida y e fluho constante di stimuli ta haci’e mas comun pa hende, particularmente hobennan, pa experiencia dificultad pa enfoca y concentra.

“Sociedad ta pone expectativanan halto riba kico nos mester ta haciendo,” segun Franke, ken tambe ta conoci online como Malou De Psycholoog. “Cu asina tanto distraccion, ta casi abnormal pa un hoben presta atencion pa un ora. Esaki ainda ta e standard cu nos ta anticipa.”


Contenido online tocante ADHD, manera videonan y memes, ta amplifica e conscientizacion aki, frecuentemente presentando comportamiento manera lubidando cosnan y impulsividad como señalnan di e desorden. Sinembargo, Franke a adverti cu no tur sintoma asocia cu ADHD ta necesariamente patologico. “Algun cos ta djis partinan normal di ken bo ta como persona,” el a splica. “No tur hende cu ADHD ta lubida nan yabi, mescos cu no tur hende cu sensitividad pa paña tin autismo. Diagnosis di ADHD ta hopi mas compleho cu solamente check si bo tin algun sintoma.”

E aumento den accesibilidad di diagnosis di ADHD a resulta den algun individuo biraando demasiado enfoca riba nan diagnosis, mirando esaki como parti di nan identidad.

Franke a adverti cu esaki por ta problematico, particularmente pa esnan cu ta usa nan diagnosis como un excuus pa no cumpli cu cierto tareanan. “Ta facil pa laga e diagnosis consumi bo,” el a bisa. “Algun hende ta identifica cune, bisando cu nan no por haci algo pasobra nan tin ADHD. Esaki por ta dañino, como cu tin diferente manera pa anda cu ADHD, y ta importante pa realisa cu un diagnosis ta solamente un parti di e storia.”

Sietske Sibie, un estudiante di psicologia cu e Nederlands Instituut van Psychologen (NIP), a bisa cu hopi estudiante ta lucha cu nan auto-imagen pasobra frecuentemente nan ta ser yama floho of bobo. Pa ricibi un diagnosis por ofrece sosten pa e individuonan aki, como cu e ta valida nan dificultadnan. “Pa hopi di nan, pa ricibi un diagnosis di ADHD ta un alivio pasobra e ta yuda splica nan retonan cu concentracion,” Sibie a splica.

Sinembargo, no tur hende cu ADHD kier tuma medicamento. Sibie a nota cu mientras medicamento por yuda mehora hende su focus, e por tin efecto, manera dificultad cu creatividad of sentimentonan di depresion. “Algun estudiante ta hay’e mas facil pa concentra cu medicamento, pero e por haci’e mas dificil pa bin cu ideanan creativo,” Sibie a bisa. “Otronan por experiencia cambianan den appetit of bira mas depresivo.”



ALFALFA CUBES FRESCO
FRESCO NA GOLDMINE.

AFL.36 PA SACO.

Yama nos na T. 594-1317

Boneiro: 'AI Persona di Aña' Noelle Cicilia ta investiga etica den inteligencia artificial

(Bonaire.nu) - Noelle Cicilia, su tata di Boneiro y su mama di Hulanda, a ser nombra 'AI Persona di Aña' e luna aki. E nominacion a tuma lugar durante e AI Awards, un evento cu ta resalta iniciativa y persona importante den mundo di inteligencia artificial. Cu su compania Brush AI, Cicilia ta dedica su mes na e uso etico di inteligencia artificial (AI). "Nos bida ta ser domina cada biaha mas door di sistema di AI, y Noelle ta trece e aspecto humano back na dje," segun e hurado cu a haya su trabou hopi valioso.

Hunto cu un team chikito, Cicilia ta dirigi su compania Brush AI, cu ta desaroya solucionnan di AI cu ta responsabel. Den e trabou aki, no ta solamente e tecnologia



ta para central, pero tambe e ser humano y e norma- y balornan cu ta aplica den un sociedad. Awor cu AI ta mas accesibel pa tur hende door di hermentnan manera ChatGPT, su mision ta bira mas relevante cu nunca: siña hende y negoshinan con pa usa AI na un manera responsabel.

Discriminacion

Hopi hende no ta pone aten-

cion na e impacto mas grandi cu AI por tin riba sociedad. Un di e retonan etico mas grandi den AI ta discriminacion. Door di su origen mescla, Cicilia ta mas consciente di e importancia di mira diversidad den desaroyo di tecnologia. "Na Hulanda mi a experiencia discriminacion, y esey a motiva mi pa traha pa preveni esaki den algoritmo. Hende ta pensa hopi biaha cu AI ta obhetivo, pero en realidad e sistema aki ta refleha mundo manera e ta existi—cu tur su prehuicionan y discriminacion cu tin den nos sociedad."

Brush AI

Pa duna mas atencion na e aspecto etico di inteligencia artificial, Cicilia a funda Brush AI cu tres co-co-fundador cuater aña pasa. "E tempo ey, hopi hende no tabata com- pronde e importancia di loke

nos tabata papia. Pero mi tabata sigur cu e tabata fundamental." Awe, Brush AI ta su trabou full time, y e compania ta haya mas y mas proyecto. Nan ta yuda clientenan transforma nan deseo pa traha cu AI den solucion concreto, cu atencion no solamente na e aspecto tecnologico, pero principalmente riba e impacto humano. "Nos semper ta mira e contexto completo: kico e tecnologia ta crea? Con hende lo us'e?"

AI Responsabel

Cicilia ta boga pa 'AI responsabel', cu ta pone etica central. E ta inclui temanan manera husticia, privacidad y transparencia. "Hopi biaha e cosnan aki ta parece abstracto, pero tecnologia ta hopi estricto. Mi reto, y loke mi ta haya super interesante, ta pa traha un punto entre e dos mundonan aki," Cicilia ta conta

emociona. Ademas, e ta mira esaki como su mision: siña hende ta critico den e uso di AI.

"Un biaha un persona a bisa: 'AI ta un herment, no un meta', y mi ta 100 porciento di acuerdo cu esey," e ta bisa. "Bo por compara AI cu un stagiari: e por haci hopi cos bon, pero tambe por haci eror. Tur ora mester keda den control y puntra bo mes: 'E ta corecto?'" Segun e, un di e riesgonan mas grandi ta cu nos ta bira haya demasiado confiansa y bira floho den nos critica, mientras cu ainda nos ta den un fase inicial di AI y tin hopi di siña ainda. Eventualmente, Cicilia ta spera cu AI responsabel ta bira e norma. "Cu e premio aki, nos ta mas cerca di logra esaki!" e ta bisa agradecido.

Corsou: Hof di Husticia a cuminsa e segundo edicion di 'Konose bo Isla'

(Curacao.nu) - Hof di husticia na Corsou a cuminsa e segundo edicion di 'Konose bo Isla', un programa cu ta duna coleganan di hof mas conocimiento tocante cultura, historia, y

dinamica social di Corsou y e otro islanan Caribeño di Reino Hulandes. E iniciativa ta stimula un conexion mas profundo cu e sociedad y lo contribui na un mihor comprende-

mento di usonan local.

Ex-prome Minister, Maria Liberia-Peters, a inaugura e serie cu un lectura ariba e historia politica di Corsou, cu ta enfoca ariba desaroyonan

importante y desafionan cu a forma e isla durante e añanan. E programa tambe ta inclui un excursion tocante e rebelion di esclavo na 1795 guia pa Charles do Rego, un lectura tocante e dinamica di

famianan na Corsou cu Michella Schotborg, y un combersacion tocante religion y spiritualidad cu profesor Rose Mary Allen y Reginald Ansano, un experto den studio di religion.

Wardacosta Caribense: mas trahador y reemplaso di material den un ambiente instabil

(Defensie.nl) - Instabilidad na Venezuela y criminalidad organisa transfronterizo ta influenciando e trabou di e Wardacosta Caribense. Pa e motibo aki, nan mester di mas trahador y ta trahando ariba reemplaso di material. Esey ta para den e Plan Anual 2025 di Wardacosta Caribense, cu Minister di Defensa Ruben Brekelmans a manda na Tweede Kamer.



Reemplaso di material

Den e area di material, e plan ta inclui e reemplaso di cutters y cadena di radar. Ademas, wardacosta tin varios puesto nobo cu mester yena den e siguiente lunanan. Esey mes ta un di e retonan mas grandi, pasobra ta demanda un nivel halto di especializacion. Ta bay haci esfuerso pa busca trahadornan nobo mas tanto posibel for di e parti

Caribense di Reino Hulandes.

Un ambiente instabil

E plan anual tambe ta inclui e factor ambiental cu ta determina e trabou di wardacosta. E parti Caribense di Reino ta un region dinamico cu retonan geopolitico, socio-economico y climatologico. E crisis continua na Venezuela ta causa destabilisacion

den e region, cu migracion irregular di Venezolanonan como un ehempel. Ademas, e criminalidad organisa transfronterizo, specialmente trafico di droga y hende, ta un problema serio. Pa ultimo, e condicionnan climatologico extremo manera horcan ta presenta su mes periodicamente. Tur e factornan aki ta influencia e trabou di wardacosta.

TRABOU DI MANTENCION RIBA LIÑA DI DISTRIBUCION SEROE BLANCO
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diamars, 4 di februari 2025
8:00 AM te cu 4:00 PM

Den vecindario di:

- Seroe Blanco (un parti)
- San Barbola (un parti)
- Jupiterstraat

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.

ELMAR

Peticionnan di asilo di Siria ta keda halto a pesar di e caida di Assad

(NLTimes) - E cantidad di solicitantenan di asilo Sirio cu ta bin Hulanda ta keda halto, apesar di e caida di e dictador Sirio Bashar al-Assad. Na december, e mesun luna cu e regimen di Assad a colapse, 1,569 Sirio a pidi asilo, cu ta representa casi mita di tur peticion di asilo ricibi pa Hulanda, De Telegraaf a informa.

Entre e aplicacionnan ey, 724 tabata peticionnan pa prome biaha, similar na e luna anterior. Esaki ta indica cu e individuonan a yega Ter Apel, caminda nan proceduranan di asilo a cuminsa. Por tin retraso den e procesamento di e aplicacionnan aki debi na e temponan largo di biahe pa yega Hulanda.

Despues di e caida di Assad, minister di Migracion Marjolein Faber (PVV) a anuncia

un “parada temporal di decision” riba aplicacionnan di asilo Sirio. Pa e proximo seis luna, e Servicio di Inmigracion y Naturalisacion (IND) ta suppose di abstene di tuma decisionnan tocante Sirionan, dunando Hulanda tempo pa evalua si Siria di berdad a bira sigur pa regresa na dje. Si e ser considera sigur, hopi Sirio no por ta eligibel mas pa asilo na Hulanda.

Mientras cu decisionnan riba peticionnan di asilo ta para, e solicitantenan di asilo nobo di Siria ainda tin e derecho di ricibi refugio den un di e centronan di recepcion di asilo (AZC) di Hulanda. Actualmente, mas cu 18 mil Sirio ta wardando riba decisionnan den e centronan aki. Di e 1,500 aplicacionnan nobo di Siria na december, mas cu 800 tabata peticionnan pa reunificacion di famia. E solicitantenan aki ta busca pa join



un miembro di famia cu ta biba na Hulanda caba cu status di refugiado.

E parada temporal di decision no ta conta pa esnan cu ta busca reunificacion di famia, tambe conoci manera “na-reizigers.” Faber a priminti di explora si e proceso aki por ser para temporalmente, pero acuerdonan internacional por haci un movecion asina dificil.

“Tur hende tin derecho riba bida di famia,” Refugee Work (Vluchtelingenwerk) ta bisa, resumiendo e tratadonan internacional na cual Hulanda ta mara. Bou di e acuerdonan

aki, un refugiado cu haya proteccion na Hulanda tin e derecho di trece su casa y yinanan na e pais.

E periodo di espera pa reunificacion di famia ta largo. Aña pasa, IND a tuma un promedio di 92 siman pa procesa un peticion di reunificacion di famia. Como cu e Sirionan tabata e grupo di mas grandi di solicitantenan di asilo pa varios aña, hopi miles di miembro di famia por ta eligibel pa reunificacion ainda.

Actualmente, 66 mil hende ta wardando riba un decision di reunificacion di famia, segun IND. Esaki ta inclui veri-

fica relacionnan familiar, no e seguridad di e pais di origen. Aña pasa, 86% di e peticionnan pa reunificacion di famia a ser aproba.

Segun cu Sirionan nobo ta sigui yega, e discusion politico na Den Haag a cambia pa convence algun pa regresa Siria voluntariamente. Regresonan forsa no ta posibel, ya cu e pais mester ser designa oficialmente como sigur prome. Ministerio di Asuntonan Exterior ta trahando riba un rapport actualisa tocante e situacion na Siria.

Mientras tanto, e Servicio di Regreso y Salida (DT&V) recientemente a cuminsa ofrece 900 euro na cash na e Sirionan cu ta scoge pa regreso permanente voluntario. E oferta aki ta conta pa esnan cu ta termina nan procedura di asilo of ta renuncia na nan status di residencia temporal despues di a firma un acuerdo. E pago no ta disponibel pa bishitanan di corto plaso na miembronan di famia.

Candela grandi a destrui un tienda di sapato na Druten, explosion un posibel causa



(NLTimes) - Un candela grandi a surgi diadomingo mainta trempa na un tienda di sapato den centro di Druten, Gelderland. E ekiponan di bombero a responde cu ekipo extenso pa contene e candela, cu a cuminsa alrededor di 3:15 a.m. Autoridadnan no a informa ningun herido.

E causa di e candela ta keda desconoci, pero polis ta investigando si un explosion a precede e incidente. “Nos ta investigando si e candela aki a ser cendi intencionalmente”, un vocero di polis a bisa.

Servicio di emergencia a con-

seha residentenan den e area pa tene nan bentana y porta cera pa motibo di humo di e candela. “Hasta durante e esfuersonan final di paga e candela, humo ta sali ainda,” e Veiligheidsregio Gelderland-Zuid a declara.

Bomberonan tabatin e candela bou di control pa 5:00 a.m. E alcance di e daño na edificionan alrededor ainda ta ser evalua.

Autoridadnan no a ricibi informe di heridonan. Investigadornan ta sigui examina e sitio pa determina e causa di e candela.



De Minister van Justitie en Sociale Zaken is voornemens in het openbaar aan te besteden.

Het project:

“ Levering van een Mobiel Watertransportsysteem, bestaande uit een haakarmvoertuig en een bijpassende pompunit ten behoeve van Dienst Brandweer Aruba”.

Volgens bestek **D.B.A.-nr. 1 dj. 2025**

Korte omschrijving van het werk:

- Levering van een Mobiel Watertransportsysteem, bestaande uit een haakarmvoertuig en een bijpassende pompunit ten behoeve van Dienst Brandweer Aruba.
- De pompunit moet geschikt zijn voor:
 - o Grootchalig watertransport voor brandbestrijding en
 - o Het wegpompen van water bij overstromingen.
- Het haakarmvoertuig bestaat uit een enkele cabine op een chassis met all-terrain banden. Het moet een vierwielaandrijving zijn, diesel aangedreven, met een automatische transmissie.
- De pompunit heeft een capaciteit van minimaal 8.000 liter per minuut over een afstand van 1.000 meter met een uittrede druk van 1,5 bar.
- Dit apparaat moet zijn uitgerust met diverse andere onderdelen zoals vereist in de specificaties opgenomen in bestek.
- Het staat de aanbieder vrij om alternatieve, gelijkwaardige oplossingen aan te bieden. Daar waar merken en/of typen staan genoemd in het bestek, zijn aantoonbaar gelijkwaardige merken en/of typen toegestaan.

Het bestek is vanaf **3 februari 2025** verkrijgbaar bij de afdeling Bedrijfsvoering van de Dienst Brandweer Aruba tegen betaling van **Afl. 450,00** op de bankrekeningnummer# 329391 van Aruba Bank. Betalingsbewijs leveren bij Tanki Flip 13 of via email receptie@brandweer.aw.

Inlichtingen worden verstrekt op **10 februari 2025 om 10:00 v.m.** in de commandokamer van de Dienst Brandweer Aruba te Tanki Flip 13. Desgewenst kan ook via een apart aan te vragen online verbinding inlichtingen worden verstrekt (op 10 feb). De Nota van Inlichtingen wordt vastgesteld op **14 februari 2025** en is vanaf die dag verkrijgbaar bij de afdeling Bedrijfsvoering.

De openbare aanbesteding vindt plaats op **28 februari 2025 om 11:00 v.m.** op het kantoor van de Interim Commandant van de Dienst Brandweer Aruba te Tanki Flip 13.

Het **Landsbesluit openbare aanbestedingen (AB 1996 no. 58)**, de **Uniforme Administratieve Voorwaarden (UAV-DOW)** en de **ALGEMENE VOORWAARDEN VOOR LEVERING VAN GOEDEREN EN DIENSTEN AAN LAND ARUBA** zijn op deze aanbesteding van toepassing.

De directievoering is in handen van **Dienst brandweer Aruba**
De gestanddoeningstermijn is **90 dagen**.

De inschrijver moet bij zijn inschrijving de volgende vereisten overleggen:

1. Bewijs van inschrijving bij de Kamer van Koophandel (niet ouder dan 6 maanden);
2. Gewaarmerkte inschrijvingsformulier.
3. Gewaarmerkte specificatie inschrijfsom.
4. Bereidheidverklaring tot het instellen van een bankgarantie van 10% van de inschrijfsom.
5. Overige vereisten opgenomen in het bestek.

Cuba: Candela fuerte ta causa daño den area proteha di Trinidad, Sancti Spiritus

(Cibercuba) - Un candela fuerte a causa daño na 30 hectar di Parke Natural Topes de Collantes, un area grandi cu ta proteha den e montañanan di e municipio di Trinidad, na Sancti Spiritus, segun fuente oficial.



E candela, causa pa “negligencia humano”, a keda paga, despues di mas di 24 ora, pa forsa di e Cuerpo Forestal di e Ministerio di Interior y un brigada di e ‘Gaviota Complex of the Revolutionary Armed Forces’ (FAR), segun e corant oficial Escambray. Mas o menos 35 hende a traha hunto pa paga e can-

dela den un operacion cu tabata complica pa motibo cu e tereno tabata dificil pa mancha, aproximadamente 800 metro ariba nivel di lama, segun Octes Alberto Conesa, lider di e Forest Rangers den e area proteha.

“Nos tabata mester a traha nos mesun caminda den e mondi pa yega na e lugarnan cu tabata kima y pa paga e candela. Aki riba, e truck di bombero no por a yega, pues nos mester a hiba tas yena cu

awa y subi sero yena cu cueba unda bo lo por a cay facilmente. E biento tambe tabata un oponente,” e especialista a splica.

Ingeniero Alexeis Rodríguez, director di proteccion di medio ambiente di e Gaviota Complex, a indica cu e candela a cuminsa cerca di un caminda pa motibo di negligencia humano y a cubri mas o menos 30 hectar di e area cu tin balor natural grandi. Autoridad ta sigura cu e “efecto economico ta minimo”, pero e impacto ambiental a causa daño principalmente den areanan yen di mata y na cierto especie di flora y fauna.

E candela tambe a causa daño na e servicio di electricidad, pasobra palo di coriente a kima. Un ekipo di trahador di e compania di Electricidad di Trinidad y di e centro di Operacion di Sancti Spiritus a reconstrui e servicio, segun Escambray.

E prome cinco luna di e aña ta e temporada mas critico pa candela na Cuba.

Entre januari y mei di 2024, e pais a registra 326 caso di candela, cu a resulta den daño na mas di 2,787 hectar di mondi, segun dato di e Forest Rangers.

Venezuela a libera 6 Mericano despues di un reunion entre Presidente Maduro y un envio di Trump

(AP) — Seis Mericano cu a ser deteni na Venezuela e ultimo lunanan cu a pasa a ser libera pa e gobierno di Presidente Nicolás Maduro despues di un reunion cu un oficial di e administracion di Trump cu e tarea di insisti pa e presidente Venezolano acepta deportacion di esnan cu a comete crimen na Merca.

Presidente Donald Trump y su envio pa mision special, Richard Grenell, a anuncia e liberacion di e seis homber ariba red social. E bishita di Grenell tabata un shock pa hopi Venezolano cu a spera cu Trump lo sigui su campaña di “presion maximo” cu el a usa contra Maduro durante su prome periodo.

Biahe cu enfoke ariba de-

portacion di Venezolano y liberacion di Mericanonan

E biahe di Grenell pa Venezuela, segun e Cas Blanco, tabata enfoca ariba e esfuerso di Trump pa deporta Venezolanonan pa nan su pais, cu actualmente no ta aceptando nan, y ariba e liberacion di Mericanonan cu a ser deteni. “Nos ta sali for di aki y bin back cu 6 ciudadano Meri-



cano” Grenell a post ariba X (Twitter) cu un potret di dje cu e 6 Mericanonan ariba un avion. “Nan a caba di papia cu @realDonaldTrump y ta hopi agradecido”.

Diasabra, Trump a skirbi ariba su website di red social Truth Social cu e ta contento pa tin e Mericanonan back na cas.

Rubio a reuni cu e presidente di Panama: Trump ta exigí control di Panama Canal

(AP) — Secretario di Merca Marco Rubio a reuni cu presidente di Panama diadomingo ariba e apertura di su prome biahe internacional como diplomatico di Merca, mientras cu presidente Donald Trump ta demanda pa e Canal di Panama ta di Merca back.

Un dia despues cu Trump a anuncia cu e lo impone tarifa halto riba Canada y Mexico, pa purba causa un represalia di e paisnan, Rubio a tuma un enfoke menos confrontativo y mas diplomatico, saludando e minister di Asunto Exterior di Panama cordialmente. sin embargo, ni e ni presidente José Raúl Mulino

a papia publicamente durante e reunion.

Despues, Rubio a planea pa haci un tour di un facilidad energetico y despues e canal, cual ta e obheto di interes di Trump.

Mulino a bisa cu no lo tin ningun negociacion cu Merca ariba propiedad di e canal, y algun Panameño a haci protesta riba e plan di Trump. Diadomingo, aproximadamente 200 persona a marcha na Panama City, cargando bandera Panameño y gritando “Marco Rubio sali for di Panama”, “Biba e soberania nacional” y “Un territorio, un bandera” mientras e reunion tabata tumando lugar. Algun a kima banner cu imagen di Trump y Rubio.



Presidente di Ecuador ta bisa cu un acuerdo di comercio nobo cu Canada ta finalisa

(Reuters) - Ecuador y Canada a finalisa un acuerdo nobo di comercio despues di lunas di negociacion, segun presidente Ecuatoriano Daniel Noboa ariba red social diadomingo.

local den sectornan manera flor, tuna di bleki, textiel y piesa di auto, entre otro, segun un comunicado. Noboa a indica cu e acuerdo ta inclui compromiso di ambos pais riba politica laboral y di medio ambiente.

Gobierno di Noboa ta spera cu e acuerdo di comercio lo stimula crecemento di trabou

E negociacionnan di e acuerdo a cuminsa na maart y a tuma seis rondo di dialogo.



Jamaica: Desperdicio di cuminda di careda anual lo bay pa cunukeronan; lo recicla boternan di plastic

(JamaicaObserver) - Grupo SAGICOR a anuncia cu 30% di e desperdicio di cuminda colecta for di e Sigma Corporate Run di e aña aki lo ser duna na cunukeronan pa uso como cuminda pa bestia. Un meta tambe a ser fiha pa recoge y recicla 50 mil boter di plastic na e careda anual.

Daidre Sloley McKay, vice presidente di mercadeo di grupo na Sagicor Group, a bisa cu e iniciativa ta alinea cu e vision di e compania pa ta mas sostenibel. E donacion lo ser haci den cooperacion cu sponsornan Pan Jamaica Group Limited a traves di JP Farms.

“Nos ta treciendo hunto mas cu 27 mil hende den un espacio, y nos ta reconoce e impacto cu esey tin riba medio ambiente, pues nos a sinta y purba di saca afo con nos por yuda medio ambiente y yuda e personanan cu ta contribui indirectamente na Sigma



Run, y algun di e personanan aki tabata e comunidad di cunukeronan,” Sloley McKay a bisa.

El a señala cu despues di e evento, varios compania lo reuni na nan tentnan den Parke di Emancipacion pa come desayuno, y tipicamente tin cierto cantidad di desperdicio di cuminda cu ta keda.

“Ora Pan Jamaica a bin cerca

nos cu e idea pa haci donacion di e desperdicio na nan red di cunukeronan, e tabata un no-brainer pa nos. Pan Jamaica por a patrocina e evento, pero ta e cunukeronan ta yuda Pan Jamaica, pues nos a pensa, con nos ta duna bek na e mesun personanan cu ta yuda nos pa ta anfitrión di e careda y sostiene nos beneficiarionan,” el a bisa periodistanan na e Jamaica Observer Monday Exchange di siman

pasa.

Di acuerdo cu e Organizacion di Nacionnan Uni pa Cuminda y Agricultura, cuminda pa bestia ta un di e gastonan mas significante den produccion di bestia, cu ta conta pa aproximadamente 60% di e gastonan total.

E organizacion a bisa cu e sector di bestia di Jamaica ta depende hopi di concentracion di proteina importa y entradanan di cuminda di energia, loke ta resulta den gastonan di produccion halto.

Desperdicio di cuminda ta un manera cu e organizacion a bisa cu cunukeronan por reduci nan dependencia riba importacion y baha gastonan operacional.

Vice presidente ehecutivo y hefe ehecutivo di Pan Jamaica Group, Jeffrey Hall, ken tambe ta e coordinador di sostenibilidad pa e Sigma Run di e aña aki, a elogiar Sagicor pa su esfuersonan pa

reduci, reusa y recicla.

“Un di e cosnan cu no ta pia di dje den cuadro di loke Sagicor a haci durante e ultimo 27 añanan ta un sentido den cual e careda ta tuma e ciudad back. Kingston ta ser percibi como un tiki peligroso y no un luga caminda bo ta move facilmente na pia. Loke Sagicor a haci ta haci’e un luga sigur pa nos tur riba un diadomingo mainta bini hunto y tuma nos ciudad back, y esey, pa nos, ta significante na Pan Jamaica pasobra nos ta inverti hopi den nos ciudad tambe,” Hall a bisa.

El a agrega cu Sagicor tambe a organisa pa un “green team” t’ey presente na e evento.

“E ekipo ey ta especificamente dedica na cana den e parke y zorg pa nan piki e boternan y separa e sushi di manera cu e boternan ta bay den e container designa y despues Socionan di Reciclahe di Jamaica ta busca e containernan,” el a agrega.

Republica Dominicana: Welga di maestronan a afecta 1.4 miyon estudiante den 2024-25

(DiarioLibre) - Den e prome cuater lunanan di e aña escolar 2024-25, mas cu 1.4 miyon estudiante cu ta pertenece na 4.800 centro educativo den e sector publico pre-universitario a keda afecta pa e welga y accionnan sindical di e Asociacion Dominicana di Maestronan (ADP).

E informacion a ser divulgado door di Federacion di Asociacionnan di Mayor Amigonan di Scol (Fenapmaes), den un estudio cu el a realisa recientemente.

Preocupa pa e impacto di e welga di maestronan den e centronan unda mucha- y hobennan di e famianan mas pover di e pais ta studia, Fenapmaes a calcula cu den algun area studiantenan a perde te cu mitar luna di enseñansa, loke ta nifica un reduccion significativo den e contenido curricular a siña y ricibi.

“Educacion, pa e ta efectivo, mester ta oportuno. Welga ta un tragedia nacional. Ta p’esey nos ta kere cu henter e sociedad Dominicano mester pone atencion na e problema aki,” e institucion a declara



por escrito.

El a agrega: “Un organizacion di maestronan ta violando e derecho di nos muchanan riba educacion”, segun presidente di Fenapmaes, Jaime Tolentino, den un documento comparti cu e medio aki.

Segun e informenan entrega pa Mayornan y Amigonan di e Scol, e regionnan mas afecta pa welga y accionnan sindical di parti di ADP ta esnan cu ta coresponde na e provincianan sur, e zonanan mas pover y cu tin mas falta di educacion den Republica Dominicana.

“Educacion, pa ta efectivo, mester ta na tempo,” el a sigui bisa.

Mayoria di e protestanan lidera pa maestronan ta relaciona cu aumento di salario, aunke no exclusivamente.

Nan a paralisa enseñansa tambe pa exige mehoracion na e facilidadnan fisico di algun centro educativo, of pa exige pa provee materialnan adecua pa studiantenan.

Ministerio di Enseñansa, di su banda, a acusa docentenan

di ta viola palabracionnan cu a yega na dje pa evita falta di les. Di mesun manera, e hecho cu ta tene asamblea di maestronan durante oranan di les a ser cuestiona.

Protestanan contra maestronan a surgi recientemente den e provincia di Duarte debi na e intoxicacion di personal di enseñansa y studiantenan despues di fumigacion den un area den cercania.

Ministerio di Enseñansa ayera a califica e suspension di enseñansa na scolnan di

e provincia di Duarte como “iresponsabel” y a anuncia cu, pa por compensa e tempo perdi, lo prolonga e aña escolar den su municionan pa mas largo cu ta necesario.

El a aclaria cu e intoxicacion di estudiante- y maestronan debi na e aplicacion di pesticida den e provincia di Duarte no ta responsabilidad di e agencia ey, sino di e Ministerionan di Agricultura y Medio Ambiente.

Tambe el a pidi pa duna prioridad na educacion di mucha y hoben riba interesnan personal.

Welga di maestronan na Republica Dominicana por costa e estado 760 miyon peso pa dia, segun informacion suministra na fin di aña pasa pa e director ehecutivo di e organizacion Business Action for Education (Educa), Darwin Caraballo. E cifra aki ta basa riba e gastonan diario di Ministerio di Enseñansa pa scol y alumno. Ademas, e cuminda di scol prepara pa cada dia di e welga ta bay perdi y despues mester wordo tira afo.

Bataya legal ta crece: Justin Baldoni ta lansa website durante caso contra Blake Lively

(BBC) - Justin Baldoni a publica un website durante un bataya riba alegacionnan di cos cu a pasa riba e set di nan pelicula, It Ends With Us.

E website ta contene un keho modifica di Baldoni y un timeline di evento relaciona cu e caso.

E dos actor a hunga como un pareha den e pelicula exitoso, cual a sali aña pasa, pero despues di esaki nan a bira parti di un disputa legal cu cada bes a bira mas amargo.

Lively, 37, a demanda Baldoni, 41, den December, acusando e di acoso sexual y campaña di difamacion. Baldoni ta contra-demanda Lively y su casa, e actor Ryan Reynolds, cu alegacion di ex-

torsion civil, difamacion y invasion di privacidad.

E website a ser publica diasabra y ta yama 'Lawsuit Info'. E website ta contene dos documento legal relaciona cu e caso: e ultimo documento legal di Baldoni contra Lively y Reynolds, y un documento di 168 pagina cu e titulo "timeline di evento relevante" relaciona cu e disputa y produccion di e pelicula.

E ultimo documento ta inclui supuesto mensahe di texto entre e y Lively.

E abogado di Baldoni, Bryan Freedman, a bisa BBC News cu Baldoni a modifica su demanda "pa via di e cantidad di prueba nobo cu a sali na cla". "E prueba nobo aki ta confirma locual nos tabata sa caba

di hopi tempo caba, cu debi na motibonan puramente egoista, Sra. Lively y su ekipo a traha pa lunas pa destrui Baldoni su reputacion pa medio di engaño, haci acusacion falso, y manipulacion di comunicacion cu a ser ricibi ilegalmente" Freedman a continua.

Un vocero di e New York Times a conta BBC News cu e documento legal di Baldoni ta "yena cu informacion cu no ta corecto, incluyendo, por ehempel, e acusacion falso cu The Times a haya acceso adelanta na e keho di derecho civil di Sra. Lively".

Luna pasa, Baldoni a publica un pida cortico di un escena romantico den It Ends With Us, cu e ta bisa ta prueba cu e alegacion di acoso sexual di

Lively no tin base.

Sinembargo, Lively a responde bisando cu e imagen di nan filmando un baile romantico ta "incriminatorio" y ta confirma su alegacion.

It Ends With Us a sali luna pasa, y a bira un sensacion riba TikTok.



E pelicula ta basa riba un novela bestseller di Colleen Hoover. Den e pelicula, Lively ta hunga un muher cu ta dreña un relacion cu un homber encantador pero abusivo, cu ta ser hunga pa Baldoni.

E autor a bisa cu su inspiracion ta e abuso domestico cu su mama a sufri.



Cas Blanco ta dirigi atake riba Selena Gomez den un video riba red social

(Entertainment Weekly) - Selena Gomez ta bou di atake di administracion di Trump. Un video controversial a ser publica ariba e cuenta oficial di red social di Cas Blanco diabierna.

E video ta presenta tres muher — Tammy Nobles, Alexis Nungaray, y Patty Morin — di ken nan yiunan a ser mata pa un inmigrante ilegal. Den e video, nan ta reacciona na e post di Selena Gomez ariba Instagram, unda el a yora pa

e tratamento di Mexico-Mericano y otro inmigrante bou di e administracion nobo.

E muhernan den e video ta duda e sinceridad y intencion di Gomez. "Mirando e video, ta dificil pa kere cu su reaccion ta realmente real, pasobra e ta un actriz," Nungaray ta bisa.

E video despues ta move pa muestra tur tres muher expresando nan apoyo pa presidente Donald Trump y su politica di anti-inmigracion.

E titulo di e post di e Cas Blanco ta tag e cuenta di Gomez riba Instagram bisando: "[E] mamanan balente tin algo di bisa @SelenaGomez y esnan cu no ta apoya e seguridad di nos frontera".

E post — cual ta un poco extraño, pasobra e cuenta oficial di Cas Blanco no sa dirigi respuesta riba individuo specifico — a trece critica grandi.

"Kico ta pasando? Con bin cu



e cuenta oficial di e Cas Blanco ta post esaki? Bo ta serio?"

un persona a comenta.

The Grammys 2025: un show forma pa e candela fuerte na Los Angeles

(AP) - E di 67 Grammy Awards a tuma lugar diadomingo anochi, pero cu un tono dramaticamente diferente e aña aki.

Mientras Los Angeles ta sigui recupera di e candela cu a destrui mas cu 14,000 estructura y a desplaza miles di hende, e Recording Academy a reforma su show di premio pa beneficia y yuda e victimanan di e candela fuerte.

Desde cu e candela a cuminsa, e Grammys y su afiliado MusiCares a distribui \$2 milyon den ayudo di emergencia y a priminti mas cu \$4 milyon pa yuda esnan den industria musical cu a ser impacta pa e candela.

E Grammys diadomingo lo agrega esaki cu donacion di e publico.

E show ta sigui muestra e entregamento di premio, y ta keda un experiencia musical unico — pero e biaha aki e show tambe ta haci hende mas consciente tocante e situacion na Los Angeles, promoviendo donacion y recuso pa fondo cu lo beneficia hende cu mester. Comediante Trevor Noah ta e anfitrión pa di cinco aña tras di otro.

Ken tabata nomina?

Beyoncé ta lidera e nominacion di e Grammy cu 11, cual ta hisa su total di nominacion durante su carrera pa 99. Esaki ta haci e e persona mas nomina den historia di Grammy.

Desde 2023, e tambe ta e artista mas decora, cu 32 trofeo ricibi durante su carrera.

Post Malone, Billie Eilish, Kendrick Lamar y Charli xcx ta sigui cu shete nominacion. Taylor Swift, Sabrina Carpenter y Chappell Roan tin seis nominacion cada un.

Ken a toca durante Grammys?

Sabrina Carpenter, Billie Eilish, Chappell Roan, Shaboozey, Charli xcx, Doechii, RAYE, Benson Boone, Shakira, Teddy Swims, Lady Gaga y Bruno Mars a toca na e 2025 Grammys.

Stevie Wonder, Janelle Monáe y Will Smith a rindi un tributo na e productor legendario cu a fayece, Quin-



cy Jones.

Brad Paisley, Brittany Howard, Chris Martin di Coldplay, Cynthia Erivo, Herbie Hancock, Jacob Collier, John Legend, Lainey Wilson, Sheryl Crow y St. Vincent tambe a presenta.

Taylor Swift, cu a caba di ter-

mina su tour masivo di Eras luna pasa, tabata un presentador.

Otro presentadornan a inclui Smith, Cardi B, Gloria Estefan, Olivia Rodrigo, Queen Latifah, SZA, Victoria Monét, Anthony Kiedis y Chad Smith di Red Hot Chili Peppers.

E huicio di A\$AP Rocky y e momentonan extraordinario cu camara no a capta

(AP) - E huicio di e rapper A\$AP Rocky ta progresando segun e standard di procedura legal, sinembargo no tabatin falta di momentonan inusual, for di bishita di Rihanna te un hues estricto pero peculiar y abogadonan cu casi a yega golpi.

Testimonio ta anticipa di dura por lo menos otro siman prome cu hurado dicidi Rocky su destino riba dos cargo di agresion cu arma di candela semiautomatico. Un condena por yega na te hasta 24 aña den prizon.

Wardando pa Rihanna

For di e momento cu a keda cla den e caso cu lo tin huicio, casi tur hende involucra tabata puntra mescos: Rihanna ta bin?

Editornan a puntra reporteronan kendenan a puntra e abogadonan. Te hasta e heus Mark Arnold a puntra lunanan atras si e “mama di e yiunan lo ta presente?”

Su number a keda menciona constantemente durante seleccion di hurado, ora cu posibel panelista a ser puntra si su presencia lo afecta nan decision. Sinembargo, ora cu e super celebridad a presenta, tabata facil pa perde su presencia.

E no a presenta durante e prome siman, sinembargo rumor a surgi diaranson cu posiblemente e lo presenta



cu un testimonio importante. Sinembargo no tabatin señal di dje ni pafo ni paden di corte. Diferente na otro cas di corte civil unda celebridadnan manera Britney Spears of Kardashians ta drenta secretamente, Rocky yotro acusadonan mester usa e entrada publico y varios a pensa cu e lo compaña'e.

Ora cu media a ser permiti drenta den corte, varios reportero a cana pasa Rihanna sin ripara cu e tabata sinta caba entre Rocky su mama y ruman muhe. El a drenta via entradanan restringi. Por a mir'e tiki for di e seccion di media y camara cu ta capta e huicio no tin permiso di graba e audiencia.

E siguiente dia el a presenta atrobe, y diabierna el a drenta alrededor di 30 minuut despues di un testimonio via entrada publico. Mas adelante e dia ey el a drenta corte hunto cu Rocky pa prome biaha, pasando dilanti huradonan di

su caso y otronan.

Abogadonan den pleito

Observadonan di corte tabata sa cu ora Deputy District Attorney John Lewin a uni fiscalia poco prome cu e huicio, su persona y Rocky su abogado Joe Tacopina, seguramente lo choca. Y nan tabatin rason.

Lewin, un fiscal tenaz, ta miho conoci pa su acusacion exitoso di asesinato contra Robert Durst. Tacopina ta un abogado di New York y comentarisa frecuente riba television, ken su clientenan a inclui e presidente Donald Trump.

Nan gritamento no a tar-



da pa cuminsa. Pronto, sin hues ni hurado presente, ambos mester a ser separa pa otro abogado ora cu nan a bay contra otro den discusion cu a menasa di bira un pelea. “Mr. Tacopina a cuminsa grita’mi den corte. Basicamente a parce manera e ta desafiando mi na un pelea,” Lewin a bisa hues despues, na cual Tacopina a responde cu “niun hende a grita. Bo no tabata presente sr. Hues. Mr. Lewin ta bin cu su actitud.”

Arnold, ex agente di polis, a prohibi ambos di papia cu otro al menos cu ta riba record.

Fotografo fantasma

Durante seleccion di hu-

rado, ora cu e sala tabata yen di posibel hurado cansa cu tabata ser cuestiona un tras di otro, un muhe a duna tur hende un susto ora cu repentinamente el a grita, “tin un muhe ta saca potret den e skina ey!”

El a señala na un porta cu un bentana chikito tras di e hues, ken a bula y tuma accion. Su persona y su secretario a habri e porta y a core bay wak ken tabat’ey, pero no a mira niun hende.

E muhe a segura cu el a mira un hende y a purba hustifica su mes, sinembargo prome cu e por a caba di papia Arnold a splik’e cu “bo a haci lo corecto! Bo a haci bon!”



SUNSET GRILLE

Where Classic Delights
Serve Modern Twists

20% off
for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

Open Daily 5:30 pm - 10:30 pm

J.E. Irausquin Blvd. 81, Palm Beach | hiltonaruba.com | [@hiltonaruba](https://www.instagram.com/hiltonaruba)
+297-526 6612 | AUAHH_SunsetGrille@hilton.com

Huicio contra oficial di futbol Spaño Rubiales ta cuminsa pa sunchi sin consentimiento

(AP) - E ex president di e federacion di futbol Spaño ta cuminsa huicio awe, acusa di agresion sexual pa sunchi cu el a duna na Jenni Hermoso sin consentimiento despues di Spaña su victoria na Copa Mundial di hende muhe den 2023.

E sunchi, cual Hermoso a bisa no tabatin su consentimiento, a pone un sombra riba e celebracionnan den e logro di e ekipo femenino. Esaki a causa disgusto amplio den sociedad mas aleu cu futbol, y a causa un di e scandalnan mas bergonsoso den historia di futbol Spaño.

Rubiales tambe a gara su parti intimo den un gesto vulgar di victoria mientras e tabata cerca di e Reina Leticia di Spaña y Prinses Sofia durante e celebracionnan pa victoria di Spaña durante celebracionnan pa victoria di Spaña contra Inglatera y Australia. El a nenga comete algun fayto, pero e tabata obliga retira di su posicion y ricibi sancion di FIFA. Rubiales tambe a bisa cu e ta victima di un "acoso" di "feministanan falso." El a afirma cu e sunchi tabatin consentimiento.



Kico Rubiales ta enfrenta Rubiales, ken actualmente tin 47 aña, ta acusa di agresion sexual y di a purba obliga Hermoso sostene su persona publicamente. Un hues a declara cu Rubiales su sunchi a ser haci "sin consentimiento y ehecuto di manera unilateral y por sorpresa."

Rubiales por enfrenta un boet of sentencia den prizon di 1 te 4 aña si declara su persona culpabel segun oficialnan di corte. Un ley nobo a elimina e diferencia entre "acoso sexual" y "agresion sexual," sancionando cualkier acto sexual cu no tin consentimiento. Fiscalnan, Hermoso y Spaña su asociacion di hun-

gadonan kier un sentencia di prizon di 2 aña y mey contra Rubiales ademas di un pago di 50,000 euro pa dañonan causa ademas di prohibi su persona di traha como oficial den deporte. Hermoso tambe ta pidi corte un orden cu ta prohibi Rubiales di acerca na su persona.

Otronan involucra den e huicio

E hues tambe a dicidi cu conhuntamente cu Rubiales, ex coach di ekipo femenino Jorge Vilda, ex director di Spana su ekipo masculino Albert Luque y e federacion su ex hefe di marketing, Ruben Rivera, tambe mester para huicio pa supuestamente

pone presion riba Hermoso pa defende Rubiales, algo cu e ta nenga haci. Tambe nan a nenga cualkier fayto cometi. Segun e hues, tabatin suficiente evidencia cu no tabatin exito den pone presion na Hermoso pa aparece den un video cu el a produci y publica mientras cu disgusto publico a causa di su accionnan a surgi.

E hues a bisa cu tambe tin motibo pa kere cu Vilda di mesun manera a pone presion riba Hermoso su ruman homber.

Luque y hefe di marketing Rivera tambe tabata involucra den e supuesto intento di obliga su persona sostene su hefe, segun e hues. E fiscalnan, Hermoso y Spaña su asociacion di hungadonan kier un sentencia di prizon di 1 aña y mey pa 3 acusado.

Testigonan

E huicio ta cuminsa awe y ta anticipa di dura por lo menos 10 dia. Hermoso mester testigua riba e prome dia.

Entre 20 testigo cu tambe ta anticipa ta Spana su coach di ekipo masculino Luis de la Fuente y demas integrante di

Hermoso su ekipo femenino, incluyendo ex hungado Alexia Putellas. Rubiales ta obliga di presenta solamente durante e prome y ultimo dia di e huicio segun corte. E 4 acusadonan ta anticipa pa papia mas na final di e siman.

E yiu muhenan di Rubiales tambe lo testigua den algun punto di e huicio.

Despues di e scandal

Hermoso y demas compañeranan di ekipo a nenga hunga mientras cu Rubiales ta encarga y a regresa e ekipo algun siman despues ora cu gobierno a media un acuerdo cu e president interino di e federacion pa examina su protocol y duna mas sosten na e banda di hende muhe.

Esaki a inclui e eliminacion di e termino "muhe" for di e ekipo oficial. FIFA a prohibi Rubiales pa 3 aña te cu despues di e Copa Mundial di hende muhe pa 2026. Su prohibicion lo caduca prome cu e torneo di hende muhe den 2027. Spaña su autoridad di deporte tambe a declara su persona no apto pa tin un posicion den maneho di deporte pa 3 aña.

Iowa ta honra Caitlin Clark por medio di retira su number y colg'e na e dak di e Carver-Hawkeye Arena



(AP)—Clark a regresa e Carver-Hawkeye Arena ayera pa tin su number 22 retira den un ceremonia despues di e victoria 76-67 di e Hawkeyes, un temporada despues cu el a completa su careta universitario.

"Ya mi ta sinti emocionada ora bo cana dreto," Clark a

bisa durante un conferencia prome cu wegá. "No echt pa un wegá di basketball awor, pero obviamente djis pa ta rond tur hende y disfruta di e ambiente aki. Mi no mester competi pa 40 minuut, aunke porta mi ta desea esey. Mi ta pensa mi lo un poco mas emocional cu mi no mester competi."

Clark tabata memey di veld

cu su famia mientras e number 22 a ser colga. Cu sonrisa e tabata mira e colgamento. E retiro di su jersey a marca un fin di un carera historico pa Clark na Iowa. El a bira un strea den basketball universitario ora e tabata liderando e Hawkeyes den nan apariencia den wegá campeonato di e NCAA e ultimo dos temporada.



Un audiencia yen yen di 14,998 hende a inclui Lisa Bluder, ex-entrenador di Clark na Iowa, y Stephanie White, entrenador actual di Clark cu Indiana Fever di WNBA. Fever lo hunga un wegá na Iowa proximo temporada.

"E imagen positivo cu bo a trece na e programa di basketball aki, e universidad aki, e estado aki, y basketball femenino nacionalmente, ta

asombroso," Bluder a bisa. "Mi a pasa henter mi carera purbando di empodera hende muhe hoben. Esey ta e meta. Pero bo a logra hopi mas den e ultimo cuatro aña, mas cu cualkier persona por imagina."

E jersey di Clark a ser colga na e dak di e stadion e mesun dia cu South Carolina a retira A'ja Wilson. Ambos tabata number 22 pa nan universidad.

Union Berlin ta ficha delantero Croata Marin Ljubičić pa atende falta di gol

(AP) - Union Berlin, e ekipo cu e pio atake den bundesliga, a ficha e delantero Croata Marin Ljubičić pa atende e problema.

Union a bisa diadomingo cu Ljubičić, di 22 aña, lo yega for di e ekipo di Austria LASK. E no a duna e largura di su contract.

Ljubičić a anota 28 gol den 75 wega na Austria su Bundesliga pa LASK despues di uni e club for di e club Croata Hajduk Split den 2022.



“Marin ta un talento grandi den su grupo di edad y a de-

mostra e cualidadnan cu e tin dilanti un gol, y no solamente na LASK,” Union su director Horst Heldt a bisa. “Su consciencia, velocidad y forsa tecnico lo yuda nos y e ekipo tin mas opcion den atake.”

E revista Kicker a reporta cu Union ta pagando 4.5 milyon euro ademas di posibel bonus na LASK pa ricibi e hungado.

Union a logra solamente 16 gol den 20 ronda di Bundesliga te cu awo. Su fayonan den ofensa a keda ilustra un biaha mas cu un empate sin

gol contra Leipzig diasabra, unda el a crea bon oportunidad pero sin probecha esaki.

Den 4 di 5 wega bao e coach nobo Steffen Baumgart, Union no a anota un gol. E tabata un problema bao e ex coach Bo Svensson tambe.

Union tambe tabata aparentemente cerca di ficha Maximilian Philipp for di Freiburg, Sinembargo e homber di 30 aña Philipp no a ser mira hopi den Freiburg e temporada aki.

Baghdad su skate park nobo ta ofrece un espacio sigur cu e hubentud di Irak tin tempo ta pidi

(AP) - Bom den autonano y atakenan militante no ta un preocupacion diario riba cayanan di Baghdad manera e añanan caotico prome cu e caida di Saddam Hussein.

Sinembargo aunke e violencia a cay, varios hoben di Irak ta bisa cu nan oportunidadnan ta keda limita.

Baghdad, un ciudad di casi 9 milyon habitante, a mira algun esfuerço pa restaura parkenan publico y espacionan cultural, sinembargo plan urbano tin falta di proyecto enfoca riba e hubentud.

Esaki posiblemente a cuminsa cambia.

E capital a inaugura su prome skate park e fin di siman aki cu un ceremonia cu presencia di diplomatonan di exterior, oficialnan di deporte y atletanan hoben, den loke varios ta spera ta e comienso di un era unda lo crea mas espacio pa recreacion y expresion creativo.

“Mi tin 5 aña ta warda pa e



momento aki,” Mohammed Al-Qadi di 19 aña a comenta.

Al-Qadi, di mesun manera cu varios skateboarder na Baghdad, tabata practica e deprote den espacionan publico manera Al-Zawraa Park y Abu Nawas Street, unda e atletanan di e deporte aki hopi biaha tabata ser saca for di e sitionan pa autoridadnan, tabata core riesgo di choca contra vehiculonan y tabata enfrenta varios riesgo di seguridad a causa di e tereno y falta di areanan designa.

“Antes, nos tabata obliga di bay of tabata keda herida pa

motibo cu no tabatin sitio adecuado pa nos,” el a bisa. “Awo, nos tin un espacio sigur y esaki ta solamente e comienso.”

E facilidad, situa dentro di e ministerio di Hubentud su compleho cerca di Al-Shaab International Stadium, a keda completa den 3 siman cu sosten di embahadanan Frances y aleman.

E proyecto aki ta enfatisa e interes internacional creciente den desaroya infraestructura deportivo, particularmente pa actividadnan mas aleu cu e pais su enfoke tradicional riba futbol. Al-Qadi y otro-



nan awo ta pushando pa e formacion di federacion di skating nacional cu por habri caminda pa participacion, incluyendo e Olimpiada. “Nos tin 25 skater femenino y masculino awo, pero cu e parke aki, e cantidad lo definitivamente crece,” Al-Qadi a bisa.

E skate park tambe ta genera entusiasmo entre e skateranan femenino, apesar di resistencia societal na mucha muhenan y nan participacion den deporte, cual ta mira como peligroso.

“Mi ta spera di por competi internacionalmente awo cu

finalmente nos tin un lugar pa train,” Rusul Azim, ken tin 23 aña y tabata presente na e apertura a comenta.

Skating ta keda hopi menos popular na Irak compara cu futbol y otro deportenan comun, sinembargo Azim ta bisa cu e ta kere e facilidad nobo lo encurasha mas hoben - specialmente muhe - participa den e actividad.

Zainab Nabil di 27 aña, tambe a presenta na e apertura di e parke aunke su famia no ta di acuerdo cu su participacion den e deporte. “Mi ta aki pa demostra cu hende muhe ta pertenece den deporte tambe,” el a agrega. “Mi ta spera cu lo tin dianan separa pa hende muhe y mucha homber, pa asina mas mucha muhe sinti confortabel den uni.”

Pa awo, e skate park ta un paso chikito pero pero significativo den direccion di provee Irak su hubentud cu un lugar pa nan mes. Varios ta spera cu esaki lo ta e prome di varios.



Auto a core cu plachi di garage of agencia di auto aunke e no mag core anochi y a haya boet

Durante e control diabierna anochi na Savaneta polis a para un auto cu e plachi di GAR, cual ta nifica cu esaki ta sea plachi cu ta pertenece na garage of agencia di auto y nan ta destina unicamente pa core den dia y no den anochi.

E chauffeur a ser para y un boet a cay pa esey.



Bicicletanan electrico tampoco a scapa durante e control polis a controla si e ciclistanan ta bao influencia

Durante e controlnan cu a tuma lugar diabierna anochi e atencion di polis a bay tambe pa e bicicletanan electrico.

Nan tambe a ser controla pa asina wak si e ciclistanan aki ta bao influencia of no.



Discusion entre pareha a escala te cu ambos a resulta herida



Diabierna atardi a drenta informe di cu tin un homber cu un herida di hinca den su man y dama cu tin un corta na cabes na

Savaneta, mesora a dirigi tanto polis como ambulans na e sitio.

Na yegada di e patruya a bin



enkontra cu un discusion entre pareha y lo ta asumi cu esaki a escala unda ambos a resulta herida. Ambulans a presenta na e sitio pero e homber



a bisa cu e mes lo bay hospital cu su auto pa haya atencion mientras e dama a ser atendi eynan mes.

Ningun di 2 kier a bisa kico exactamente a pasa y polis no a detene ningun hende.

Mas detencion durante control; 2 di nan tabata asina bebi cu e alco-sensor ta marca "error"



Diabierna anochi e controlnan a sigui na Savaneta, aki polisnan adetene 2 chauffeur cu tabata asina burachi cu e alco-sensor tabata duna "error".

Mesora a detene nan y a hiba nan warda di polis pa encamina e proceso di detencion y posibel kitamento di rijbewijs.



Accidente cu basta daño material pero ningun persona herida na Paradera

Diabierna merdia a drenta informe di un accidente entre un Kia Rio y un Jeep Wrangler, mesora a dirigi un patruya na e sitio.

Na yegada di e patruya a bin compronde cu aki ta trata di un accidente cu basta daño pero pa falta di preferencia. Nos disculpa pa a yega laat y nos por a haya unicamente un di e autonan kibra dilanti poni caba riba e takelwagen.



Accidente pa motibo di falta di preferencia na Bakval

Diabierna merdia a drenta informe di un accidente na Bakval, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia unda un vehiculo s.u.v. no a duna preferencia na un pick-up. Afortunadamente ningun hende a resulta herida.



Chauffeur no a regula su velocidad ni a mantene distancia na salida fey rotonde Banco di Caribe



Diabierna atardi a drenta informe di un accidente na salida pa Dakota na e rotonde banda di Banco di Caribe, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Toyota Yaris no a regula su velocidad ni a mantene distancia a bay dal tras di un Changan CS35. E daño ta minimal y afortunadamente ningun hende a resulta herida.

Accidente pa falta di preferencia na crusada Caya ing Roland H. Lacle cu Van Leeuwenhoekstraat



Diabierna atardi a drenta informe di un accidente na crusada Caya ing Roland H. Lacle cu Van Leeuwenhoekstraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre un Toyota Prado cu no a para duna preferencia na un Hyundai Getz. Afortunadamente ningun hende a resulta herida.

Homber di 75 año den coremento a slip cay banda di un piscina di hotel



Diabierna atardi a drenta informe di cu un turista di 75 año a slip cay banda di e piscina na un hotel y ta herida na Palm Beach, mesora a dirigi un ambulans na e sitio.

a bin compronde cu aki ta trata di un turista di 75 año cu tabata core tras di su nieta bayendo banda di e piscina y el a slip cay. E personal di e ambulans a yuda e turista cu tabata tin bastante dolor y a transporte pa hospital.

Na yegada di e ambulans

Candela na compleho di apartamento na Wayaca; 2 persona a bay hospital



Diabierna madruga a drenta informe di un apartamento na candela na compleho di apartamento na Wayaca, mesora a dirigi tanto polis como bomberonan na e sitio.

Na yegada di e patruya a cuminsa evacua e compleho por completo y a bin topa cu 2 persona cu mester di ambulans.

Na yegada di e bomberonan

mesora a cuminsa combati e candelanan. Na yegada di e prome ambulans nan a atende e persona cu a kibra bentana di glas y a corta su curpa y mesora a bay cun'e pa hospital. Mientras cu bomberonan

ta combatiendo e candela e otro ambulans a presenta y a transporta e dama cu a guli basta huma den e intento pa scapa for di e candela. Slachtoffer hulp tambe a presenta pa suministra ayudo y sosten

na e evacuadonan.

Despues di un combate basta largo bomberonan a domina e candela y a sigui cu na blussing.

Chauffeur di pick-up no a regula su velocidad ni a mantene distancia a bay dal tras un S.U.V. na Hooiberg

Diahuebs mainta a drenta informe di un accidente banda di Well Well na Hooiberg, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un pick-up no a regula su velocidad ni a mantene distancia a bay dal tras di un vehiculo S.U.V. Afortunadamente ningun hende a resulta herida.



Chauffeur no a regula su velocidad ni a mantene distancia a bay dal tras un auto

Diahuebs atardi a drenta informe di un accidente banda pariba di rotonde Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur no a regula su velocidad ni a mantene distancia a bay dal tras di un vehiculo su dilanti. Afortunadamente ningun hende a resulta herida.



Polis a bay pa un accidente semi-frontal na Sombre



Diabierna anochi a drenta informe di un accidente semi-frontal cu hende posiblemente herida na Sombre, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di

un accidente semi-frontal di wiel cu wiel unda niun di 2 autonan por a sigui core. Un chauffeur cual nan a kere cu a resulta herida pero tabata spanta y no herida. Ningun di e 2 autonan por a sigui core riba nan propio forza y tabata mester di takelwagen.

Turista di 55 aña haya sin bida na Saliña Cerca; causa di morto ta natural

Diahuebs atardi a drenta informe di cu tin un dama turista cu no ta duna señal di bida mas na Saliña Cerca, mesora a dirigi tanto polis como ambulans na e sitio.

Na yegada di e patruya a tuma nota cu e dama no ta duna señal di bida y na yegada di e ambulans tampoco y nan a pidi presencia di un dokter



pa constata esey. Na yegada di e dokter a bin logra saca afor cu aki ta trata di un morto natural di e dama turista.

Na famia di e fayecida ta bay nos mas sincero palabranan di condolencia.

**Like
us on
Facebook**



facebook.com/bondianoticia



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
St. Cruz: Seroe Preto:
Tel. 585 8028 Tel. 584 4833

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

YMCA

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Aruba One Happy Island Lions Club ta organisa su LIONS 5K FUN RUN/WALK 2.0

Hunto nos ta cana of core pa un bon causa!



Aruba One Happy Island Lions Club ta invita comunidad pa forma parti di e LIONS 5K FUN RUN/WALK 2.0, cu lo tuma luga Diasabra, 29 di maart 2025!

Si bo a registra y a cumpra bo ticket caba, tuma nota cu e fecha di e evento a cambia di 8 di februari pa 29 di maart 2025. Bo registracion ta sigui valido!

E evento aki ta hopi mas cu un caminata of coremento—e ta un evento pa henter comunidad diberti y duna sosten na proyectonan importante manera empoderacion di hubentud, combati hamber, vision, conscientisacion riba e malesa di diabetes, proteccion di medio ambiente y ayudo humanitario.

Kico bo por spera?

- Un 5K Fun Run/Walk energetico
- Hopi wega y actividadnan dibertido
- Premionan fantastico pa participante
- Un ambiente di amistad y familiar!

Con bo por registra?

- Via e link di evento
- Scan e QR code
- Via un miembro di Aruba One Happy Island Lions Club

No perde e oportunidad pa move bo curpa, pasa un rato agradabel y contribui na nos comunidad. Convence bo amigonan, famia y colega y yuda nos haci e evento aki mas grandioso y exitoso cu aña pasa!

Distribucion di T-shirt:

Sandra's Garden
Diasabra, 22 di Maart 2025 |
4:00 PM – 6:00 PM

Mantene bo mes informa!
Pa tur informacion tocante e Lions 5K Fun Run/Walk 2.0, sigui nos riba Facebook: LIONS 5K Fun Run Walk 2025 - D35N of Aruba



One Happy Island Lions Club. Pa mas informacion, manda un email na: lions5kfunrunwalk@gmail. Prepara bo, bin participa y haci un impacto positivo!

Pronostico di tempo

Tempo:

Awe tardi y awe nochi: levemente te parcialmente nubla y seco
Den marduga y mayan: parcialmente te temporalmente hopi nubla cu algun awasero breve

Temperatura maximo 31 grado celsius
Temperatura minimo 26 grado celsius
Indice di calor (heat index) den y rond di oranan di merdia: 32 pa 36 grado celsius
UV index: 8


Bahada di solo : 6:42 pm
Subida di solo : 7:05 am

Biento:

Moderate te basta fuerte for di direccion generalmente oost;
Forsa 4 te 5 (20 te 39 km/ora, 11 te 21 nudo)
Durante di dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:

Extension di e area di precision halto riba Atlantico lo sostene un biento modera te basta fuerte y fuerte te duro den rafaga. Un coriente di aire humedo lo resulta den



mas nubla cu lo pasa riba e region cu algun awasero breve durante e periodo di pronostico aki. Mas aleu por bisa cu stof di Sahara lo stoba visibilidad un poco. Personanan cu tin problemanan respiratorio y cu ta sensible pa cambianan den calidad di aire mester tene esaki na cuenta pa evita problemanan di salud.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: trankil 1 pa 3 pia.
Na partinan oost te noordwest di costa: Modera te localmente poco bruto cu olanan alrededor di 4 pa 7 pia.

Aviso/ alerta:

Un aviso pa boto chikito pa partinan oost te noordwest di costa lo keda valido te mañan mainta 6'or.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerbe berde eta onemi sosega.
Eta hibami na awa trankil,
Pami bolbe haña forsa".
Salmo 23



Cu tristesa na nos curason, nos ta anuncia fayecimento di:

Sra. Elvira Kelly

*25-09-1958 + 25-01-2025

Yiunan:

Ghislaine y Clifton Rosa - de Cuba
Gilmar de Cuba
Giomar de Cuba

Nietanan: C-lainy & Sophia

Tata di su yuinan: †Emiliano Nico de Cuba

Mayornan: †Nicasio Kelly y †Maria Kelly Britten

Rumannan:

Sira Ramada Kelly, Robertico Kelly y Maximina Werleman y †Henry Kelly

Subrino i subrinanan:

Zulaika & Julio Croes-Kelly y famia, Rodney Kelly y famia, Roslene Kelly y famia, Ashgard Kelly, Jonathan Ramada y famia, Joshua Ramada y famia.

Amiga: Sra Aura de Cuba y famia

Ihanan, Swa y Cuñanan, prima y primonan, consuegra y consuegro, comer y compernan, amistadnan y demas famia
GGG cleaning & services y tur su coleganan contratista.
Ex coleganan di Spritzer & Fuhrmann, La teraza y Sundries.

Demas famia:

Kelly, de Cuba. Rosa, Britten, Ramada, Werleman, Croes, Curie, Tromp, Schwengle, Gomez, Thode, Boekhoudt.
Ta invita tur amigo, bisina y conocirnan pa asisti na **acto di entierro** cual lo tuma lugar dialuna **3 februari 2025 di 2 or pa 4 or** na **Aurora Funeral Home** y despues pa Santana Catolico na Paradera.

Nos ta pidi pa bin bisti na color alegre.
Nos disculpa si den nos tristesa, nos por a lubida algun famia.

Despues di entierro no ta ricibi bishita di condolencia na cas.

Aurora

Royal Pray

Funeral Home & Crematory

My sweet boy, our swordfish killer, our son, Kyle Ri's brother, a super friend to many, knowledgeable beyond expectations, dare devil, adventurous and a joker, none of us were prepared for this news. None of us saw this coming. You had holidays coming but did not want us to know when you were coming.



Bryon Shaughn Richardson

*20-06-1996 – 31-01-2025

Date and time will be announced later.

Aurora

Royal Pray

Funeral Home & Crematory

Those we love don't go away. They walk beside us every day. Unseen, unheard, but always near, still loved, still missed and forever dear.



Cu dolor na nos curason, pero conforme cu boluntad di Dios, nos ta anuncia fayecimento inespera di nos ser stima:

Sra. Carla M. Pâris-Arends

* 17 maart 1947 - † 30 januari 2025

Na number di:

Su casa: †Louis "Chito" Pâris II
Su yuinan: † Louis "Chito" Pâris III & Karin Pâris-Odor
Edmond "Eddy" Pâris
Carluisa "Lisi" Werleman-Pâris & Cedric Werleman

Su nietonan: Carlvn Tromp & Chelsea Lu
Emilou Tromp & Gio Ponson
Presley Pâris & Saphire Croes
Leah Pâris & Hedrick Amundaray
Luca Pâris

Mescos nioto:

Cendric Werleman, Gyandric Werleman & Ileyna de Cuba

Rumannan:

Sara "Cha" Marugg-Arends & Glenn Marugg
Maximiliano "Bibi" Arends & Vanessa Arends-Croes
Simon Arends & Marie-France Arends-Pâris
Mario "Mayon" Arends & Zoraida Arends-Muyale
Francis "Fenchi" Arends & Carol Arends-Vingal
Andre "Deco" Arends & Ann Arends-Hassell
Magaly & Patsy Arends-Hassell
Lourdes "Lulu" Arends
Roraima "Kia" Dubero-Arends & Henry Dubero

Sua & Cuñanan:

† Alvin Pâris & Jacky Pâris-Curiel
Vilma Pâris

Tanta y Omonan na bida:

†Rudy Oduber & Clara Oduber-Osorio & famia
Juni Oduber & Helen Oduber-Croes & famia

Subrinonan: Glenn Harvey Marugg & Mayrène Marugg-Helmeyer & famia, Yesenia (Yessy) Farro-Arends & Tinchí Farro & famia, Melissa Arends, Maximilliano (Ibbi) Arends & Ainhoa Gogorza Gondra, Richard Arends & Arleen Arends-Oduber & famia, Emilie Arends, †Mario (Mayoonchi) Arends & Janilett Arends-Barcelo & famia, Catalina (Catty) Lopez-Arends & Michel Lopez & famia, Xavier Arends & Melissa Arends-Kromopawiro & famia, Michael Arends, Kimberly Vijsma-Arends & Ricky Vijsma & famia, Kevin Arends & Xiomara Arends-Gomez & famia, Jonathan Arends & Isobel Edwards, Suellen Arends, Ezequiel Ruiz & Nashma Kuiperi, Luigi Arends & Kristiene Moreta, Aaron Dubero, Alyssa Dubero, Alvin "Alvintje" Pâris & Ella Jasso, Elizabeth Pâris, Kaye Maduro & yuinan, Lynn Maduro & yuinan, Jenny Faro & yuinan

Amigonan di cas: Miriam Croes, Leo & Rosa Chance, Simon (Champi) Oduber, Nicolina Winterdaal, Lisette Schnog, Stanley Brown

Primo y primanan, su ihanan, ex-coleganan di trabou e.o. Landslaboratorium, MAO School, AFIA, Bureau di ex-ministernan †Don Mansur, †Lenny Berlinski y Glenbert Croes, Directie Economische Zaken, amigonan di Women's Club of Aruba, Aruba Secretaries Association, Order of the Eastern Star & famia di El Sol Naciente, voluntarionan di Fundacion Diabetico Aruba y CEDE Aruba.

Famia: Oduber, Croes, Ponson, Mansur, Nemeck, Henriquez, Werleman, Dimanche, Charles, Tromp demas famia y amistades.

Un danki special na su dunadornan di cuido: dr.Fernandez, W.G.K., Botica Dakota, Cas Marie na Mama Ties, personal di EHBO y specialmente Stichting Cas Cristelle pa duna Carla tanto amor y atencion.
Lo tin un box disponibel pa por haci donacion na Stichting Cas Cristelle pa yuda nan sigui duna atencion profesional na nos adultonan mayor.

Oportunidad pa condolencia lo tuma lugar **dialuna 3 di februari di 7.00-9.00 pm** na **Royal Funeral Home**. **Acto di despedida** lo tuma lugar **diamars 4 di februari di 2.00-3.30 pm** y di **3.30-4.00pm** lo tin un **respons** pa nos kerida Carla na **Royal Funeral Home**.

Despues di despedida e acto di cremacion lo tuma lugar den ceno familiar.

Nos disculpa si den nos tristesa nos por a lubida algun persona. Cu nos kerida "Carla" por sosega dushi den brasa di Papa Dios

Aurora

Royal Pray

Funeral Home & Crematory

Lagrima y flornan por seca, pero su recuerdonan y tur loke el a haci y significa pa nos, lo keda graba pa semper den nos mente y curason.

"Cerca Dios mi alma ta na paz, ta di DJ'E mi salvacion ta bin"
Salmo 62:1

Cu teribel dolor nos ta partisipa fayecimento inespera na Santo Domingo di nos yiu y ruman



Joaquin Giovanni Vrolijk

Cariñosamente yama "Ivan"

*01-08-1969 - †27-12-2024

Na number di su

Tata: Joaquin Vrolijk

Mama: Filomena Maria Vrolijk – Kelly

Ruman: Vernon Siegfried Vrolijk

Su Amiga Stima: Nathaly Domingues

Su Tanta y Omonan: Geronimo "Romo" y Frida Croes

Brigida Croes

Tuyo Willems y Ina Knecht

Luisito Willems

Eri Willems y Lima Fingal

Sisi Willems

Tanta Grandi Stima:

Primo y Primanan na Aruba, Merca, Hulanda, Corsow, Costa Rica, Oostenrijk, Belgica

Demas Famia: Vrolijk – Kelly – Croes – Willems – de Freitas – Wild – Provence –Archangel – Tromp – Meyboom – Washizaki – Loefstop – Rosado – Albertsz

Ta invita na Acto di Despedida cual lo tuma lugar Diaranzon 5 Februari 2025 2or – 4or PM na Aurora Funeral Home.

Un disculpa si den nos tristesa nos por a lubida algun famia

Despues di ceremonia no lo ricibi bishita di condolencia na cas.

Aurora

Royal Pray

Funeral Home & Crematory

*Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Autor: Cado Wever.*



Sr. Hector Alfred Maduro

Cariñosamente yama "Aleman"

*25-03-1964 - †25-01-2025

Acto di entierro lo wordo anuncia despues.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Lucia O. Dirksen
*13-12-1947 - †22-01-2025

Acto di entierio lo wordo anuncia despues.

Aurora

Royal Pray

Funeral Home & Crematory

Drenta su portanan cu gradicimento,
drenta su tempel cu cantica di alabansa,
glorific'e, bendiciona su Nomer.
Salmo 100:4

Cu dolor na nos curason, nos ta participa
fayecimento di:



dr. Rudolf M.M. Jessurun
"Rudy"
*25-04-1934 - † 28-01-2025

Acto di entierio lo wordo anuncia despues.

Aurora

Royal Pray

Funeral Home & Crematory

Madre, de nombre ROSA
Eres la princesa de nuestros corazones
Es hora que cierres tus lindos ojos
para que descanses y mañana despertar sonriendo
en el cielo de felicidad.
Rosa, eres la flor
que ha nacido en nuestro jardín.
Te recordaremos con amor
porque para nosotros has sido
la más bella de las rosas florecidas

Cu un dolor profundo, pero a la ves cu paz den nos
curason, nos ta anuncia morto di:



Sra. viuda Rosalinda Ramona
Larmonie-Gonzalez
Mihor conoci como 'Rosa' of 'Duy'
Na bida viuda di Harold Larmonie
Naci na Cuba dia 04 september 1937
Fayece na Aruba dia 25 januari 2025

Yiunan:
Tania Vos-Larmonie y esposo Johannes 'Jan' Vos
Luis Larmonie y esposa Arlina Larmonie-Howell
John 'Johnny' Larmonie
Edward 'Juni' Larmonie y esposa Marta Larmonie-Sanchez-Zapata
†Jose 'Joselito' Larmonie
Manera yiu: Jessica Croes y familia

Nieto y nietanan:
Tatiana Tromp y Roland Hart
Rosalie Tromp y Alexander Lejuez
Ciriack Tromp y Ruthmila Paskel
Robbert Larmonie
Jane Wierenga-Larmonie y Remco Wierenga
Jesse Larmonie
Luis 'Luisito' Larmonie
Jonathan Larmonie
Erold Larmonie y Jennifer Hooplot
Teron Larmonie y Geena Weitering
Morelia Larmonie y familia
Derrell Larmonie
Marisol Colina-Larmonie y Richen Colina
Christopher Croes
Christal Croes
Manera nieta: Fran-Jessca Lopes

Cerca di familia: Giovanni Ras, Franklin Lopes, Ashram Persaud

Bisanieta y bisanietanan:
Tara Ras, Amber Ras
Aiden Tromp, Leila Tromp
Isaly Larmonie
Izzy Wierenga, Bodi Wierenga
Zion Nicolaas, Jaydon Nicolaas, Claudius Phillips Jr.
Lena Larmonie, Keyzion Larmonie, Genesis Larmonie
G-Vanthley Larmonie, Vayenna Sterling
Novella Larmonie, Derlysha Larmonie
Jerlainy Colina, Richmary Colina
Sailor-Ann Croes

Sua y cuñanan y familia

Su grupo di domino "Team Divas":
Zandra Briezen y Robby Koolman, Glenda Koolman, Aniera Briezen, Joanne Bardouille, Carlos Albertus y Claudine Ho Kang You

Su bon bisinanan, amistadnan, famianan na Aruba, Cuba, USA y México:
Gonzalez, Garcia, Larmonie, Tromp, Vos, Sanchez-Zapata, Botta, Paskel, Hart, Ras, Howell, Lopes, Croes, Nicolaas, Wierenga, Lejuez, Persaud

Un danki grandi di curason ta bai na su:
Dokternan: dr.Selene Kock, dr.Caroline Becker dr. van Ool y dr.Fingal
Pastor: apostel Gilbert Martes

Nos ta pidi disculpa si en caso por a lubida algun persona den nos tristesa

Dia di condolencia lo tuma lugar ariba dialuna, 03 februari 2025, 7-9 pm. Aurora Funeral Home. Acto di entierio lo tuma lugar ariba diamars, 04 februari 2025, 2-4 pm. Aurora Funeral Home.

Lamentablemente no ta ricibi bishita na cas despues di entierio.

Minneapolis lo paga 600,000 dollar na muhe cu ta bisa ex oficial Chauvin a pone su rudia riba su lomba

(AP) - E ciudad di Minneapolis a acepta paga 600,000 dollar pa yega acuerdo den un demanda cu muhe a trece dilanti unda el a acusa ex oficial Derek Chauvin di a saca su persona for di su minivan y a tir'e riba vloer y pone su rudia riba su lomba den januari 2020, di mesun manera cu el a haci 4 luna despues durante incidente cu a causa fayecimento di George Floyd.


Patty Day, ex empleado di Public Works Department (DOW di Merca), a acusa den e demanda entrega na Mei ultimo cu e tabata victima di uso di forsa excesivo y detencion erroneo. El a admiti cu e tabata bebi durante e incidente den 2020 y den depresion a causa di un divorcio binidero y otro dificultadnan ora cu el a keda pega den sneeuw pa varios ora.

Chauvin y su partner e anochi ey, Ellen Jensen, eventualmente a yega e escena. E demanda ta acusa cu e oficialnan a saca day "cu violencia" for di su vehiculo y a tir'e riba vloer, causando varios herida.

"Chauvin eora a asumi su pose famoso, poniendo su rudia riba Patty su lomba - di mesun manera cu el a haci ora el a kita e bida di George Floyd - y a keda e manera ey hasta despues cu Patty tabata bao control," e keho a acusa. Un cargo di stuur bao influencia a ser retira ora cu hues a declara cu e oficialnan tabatin falta di causa probabel pa deteni su persona y no a haci uso di e evidencia di test di alcohol.

Minneapolis City council unanimemente a aproba e acuerdo di 600,000 dollar diahuebs. Miembro di e consejo LaTrisha Vetaw a bisa su coleganan cu 175,000 dollar lo bay na Day mientras cu su abogado lo haya 425,000.

E ciudad te awo a paga 36 miyon dollar pa yega acuerdo den caso di mal conducta di polis involuando Chauvin, incluyendo 27 miyon dollar na e familia di Floyd.



E guerra comercial di Trump entre aliadonan ta causa represalia for di Canada y Mexico

(AP)—Canada y Mexico a ordena tarifanan represalia riba productonan Mericano como respuesta pa tarifanan imponi pa presidente Donald Trump, y negoshi-y consumidornan den ambos pais ta cuestiona ayera con e guerra comercial nobo lo afecta nan.

Canada a ordena tarifanan di 25% riba importacion Mericano cuminsando mañan, dia 4 di februari, incluyendo bebidanan, cosmetica y productonan di papel cu balor di 20 biyon dollar. Un segundo lista di producto lo ser publica pronto, incluyendo vehiculonan di pasahero, trucknan, productonan di hero y aluminium, cierto fruta y berdura, carni, porco, productonan lechera, productonan aereoespacial y mas. E productonan tin un balor di aproximadamente 85 biyon

dollar.

Te ainda Mexico a bisa cu e lo impone tarifa di represalia, sin menciona e grado of productonan. Prome minister Canades Justin Trudeau y presidente Mexicano Claudia Sheinbaum a papia via yamada diasabra despues cu e administracion di Trump a impone tarifanan nobo—25% riba productonan for di Canada y Mexico, cu un grado mas abao di 10% pa azeta Canades, y 10% di importacion for di China.

E oficina di Trudeau a bisa den un declaracion cu Canada y Mexico a acorda “pa fortalece e relacion bilateral” entre nan pais. Oficialnan Canades a tene dialogonan extensivo cu nan equivalente Mexicano, pero un oficial mayor Canades a bisa cu e no lo bisa cu a coordina respues-



tanan riba e tarifanan.

“Awor ta tempo pa scoge productonan produci aki na Canada,” Trudeau a publica ayera riba X. “Check e labelnan. Ban duna di nos parti. Unda cu por, scoge Canada.”

Canada ta e mercado di exportacion mas grandi pa 36

estado, y Mexico ta e partner comercial mas grandi di Merca. Canada y Mexico a ordena tarifanan a pesar di e menasa di Trump pa aumenta e tarifanan si e dos paisnan pone tarifa riba productonan Mericano.

“Nos ta buscando pa escala e situacion, pero nos lo de-

fende Canada,” Trudeau a bisa diasabra.

Trump a menasa ayera nochi tarifanan mas halto otro caminda, contando reporteronan cu e “definitivamente e lo pasa” cu Union Europeo y posiblemente cu Reino Uni tambe. Por medio di cumpli cu un promesa di campaña, Trump kisas por kibra su prome na votadornan cu su administracion lo reduci inflacion rapidamente. Esey kiermen cu e mesun frustracion cu e ta enfrentando for di otro nacionnan por plama domesticamente pa consumidor- y negoshinan.

“Lo tin algun molester? Si, porta (y porta no!),” Trump a bisa den un publicacion riba red social. “Pero nos lo haci Merca grandioso atrobe, y e lo bale la pena e prijs cu mes-ter paga p’e.”

Merca: Avion medico cargando pashent chikito y 5 otro ta cay na Philadelphia

(AP)—un jet di transporte medico cu un pashent chikito, su mama y cuatro a cay den un barrio na Philadelphia net despues di subi diabierna anochi, explotando cu un candela cu a afecta varios cas.

E Jet Rescue Air Ambulance, cual a opera e Learjet 55, a bisa den un declaracion: “Nos no por confirma ningun sobreviviente.” No tin tabatin ningun reportahe si hende abao a fayece pa via di e caida.

Tur seis persona abordo tabata for di Mexico. E mucha tabata haya tratamiento na Philadelphia pa un condicion cu por salba su bida y tabata bayendo cas back, segun vocero pa Jet Rescue, Shai Gold. E ultimo destinacion di e vuelo lo di Tijuana despues di un transito na Missouri.

E pashent y su mama tabata abordo hunto cu cuatro miembro di tripulacion. Gold a bisa cu esaki tabata un tripulacion cu experiencia y tur hende envolvi den e vuelonan aki ta haya entrenamiento vigoroso.

“Ora un incidente manera esaki sucede, e ta sorprendente,” Gold a conta The Associated Press. “Tur aeronave ta ser bon manteni, ta inverti bon placa pasobra nos sa cu nos mision ta asina critico.”



Gobernador di Pennsylvania Josh Shapiro a bisa durante un conferencia di noticia diabierna laat cu oficialnan ta anticipa fatalidadnan den e “desaster terrible aki.”

“Nos sa cu tin perdida,” el a bisa. E avion ta registra na Mexico. Jet Rescue ta basa na Mexico y ta opera ambos ey-

nan cu na Merca.

E incidente a bin algun dia despues di e desaster aereo na Merca den un generacion. Diaranson anochi, un jet di American Airlines cargando 60 pasahero y cuatro miembro di tripulacion a boks den na Washington D.C. cu un helicopter militar cargando



tres soldaat. No tabatin ningun sobreviviente.

E accidente na Philadelphia tabata e segundo incidente fatal den 15 luna pa Jet Rescue. Na 2023 cinco miembro di tripulacion a muri ora un avion a surpasa un pasarela den e estado Mexico di Morelos y a dal den un sero.

E accidente diabierna a sucede riba un crusada druk cerca di Roosevelt Mall, un centro comercial den e barrio pobla di Rhawnhurst. FAA a bisa cu e National Transportation Safety Board lo lidera e investigacion.

Nacionnan Arabe ta rechasa sugerencia di Trump pa reloca Palestinonan di Gaza na Egipto y Jordan

(AP) - Nacionnan Arabe poderoso riba diasabra a rechasa President Mericano Donald Trump su sugerencia pa reloca Palestinonan for di Gaza na bisina Egipto y Jordan.

Egipto, Jordan, Saudi Arabia, United Arab Emirates, Qatar, Palestinan Authority y Arab League a publica un declaracion conhunto rechasando cualkier plan pa saca Palestinonan for di nan teritorio na Gaza y West Bank.

Trump a trece dilanti e idea aki luna pasa, bisando cu e lo urgi e lidernan di Jordan y Egipto acepta Gaza su poblacion cu awo ta en gran parte sin cas, pa asina “nos por limpia e cos ey.” El a agrega cu e relocacion di Gaza su poblacion di 2.3 miyon lo ta temporario of pa termino largo.



Algun oficial di Israel tambe a trece dilanti e idea aki den

comienso di e guerra. “E ta literalmente un sitio di demolicion actualmente,” Trump a bisa, refiriendo na e destruccion amplio causa pa Israel su guerra di 15 luna cu Hamas, awo pausa pa un alto al fuego fragil.

E declaracion Arabe a adverti cu e tipo di plan aki “ta menasa e region su estabilidad, poniendo den riesgo e expansion di conflicto y posibilidad pa pas y coexistencia entre su personanan.”

E declaracion ta bini despues di un reunion na Cairo di diplomaticonan top na Egipto, Jordan, Saudi Arabia, United Arab Emirates y Qatar ademas di Hussein al-Sheikh, un oficial Palestino cu tin e funcion di coneccion principal cu Israel y hefe di Arab League Ahmed Aboul Gheit.

Nan a bisa cu nan tabata anticipa traha cu administracion Trump pa “yega un pas husto y comprensivo na Medio Oriente, basa riba un solucion di dos estado,” segun e declaracion.

Nan a haci yamado na e comunidad internacional pa yuda “planja y implementa” un plan di reconstruccion pa Gaza pa asina garantisar cu e Palestinonan keda riba nan tera.

E president di Egipto President Abdel Fattah el-Sissi a rechasa Trump su sugerencia na un conferencia di prensa siman pasa, bisando cu e

transferencia di Palestinonan “no por keda tolera ni permiti. E solucion na e problema aki ta e solucion di dos estado. E ta e establecimiento di un estado Palestino,” el a comenta. “E solucion no ta di saca e pueblo Palestino for di su tera. No.”

Jordan su minister di exterior Ayman Safadi tambe a bisa cu su pais su oposicion contra Trump su idea ta “firme.”

El-Sissi su oficina a bisa cu e lider di Egipto a ricibi un yamada di Trump riba diasabra. El a describi e yamada como uno “positivo,” pero no a menciona Trump su sugerencia.

El a enfatisa tambe e importancia di logra un “pas permanente” den e region, agregando cu e comunidad internacional ta conta riba Trump su habilidadnan pa yega na un acuerdo di pas historico y permanente” den Medio Oriente, segun e declaracion di Egipto.

Egipto y Jordan conhuntamente cu e Palestinonan ta preocupa cu Israel nunca lo permiti nan regresa Gaza asina cu nan sali. Egipto y Jordan tambe tin preocupacion tocante e impacto cu e fluho di refugiadonan aki lo por tin riba nan economia cu ya caba ta den problema ademas di e estabilidad di nan gobierno.

Jordan ya caba ta cas di mas di 2 miyon Palestino. Egipto a adverti implacionnan den su seguridad si transferi cantidadnan grandi di Palestino na Egipto su Sinai Peninsula, cual ta na frontera cu Gaza.

Ambos pais tabata e prome cu a yega paz cu Israel pero nan a sostene tambe e creacion di un estado Palestino den West Bank, Gaza y parti este di Jerusalem, teritorionan cu Israel a captura den e guerra di Medio Oriente 1967.



Ministerio di Cultura y Departamento di Cultura Aruba
ta anuncia cu gran tristeza e fayecimento di



ANTONIA MADURO-RAS

*09-01-1939 – +27-01-2025

Mama di Minister di Finansa y Cultura Sra. mr. Xiomara J. Maduro

Staf y Personal di Departamento di Cultura Aruba ta expresa palabra di condolencia y forsa na Minister Xiomara Maduro y famia.



Cu “Mama Chida” sosega na paz.